

光緒江西通志

江西通志卷一百十三

勝蹟略一

城址 關秦營壘附

灌嬰城卽南昌故城在今南昌縣東灌城鄉城隍橋西

今爲黃城寺謹案徐世溥榆墩集云東關外延袤數里自菩提寺至畚灣皆灌城故址張文端位

因爲隄曰興福莊漢高帝六年灌嬰定豫章時所築也一

云因居人章文獻地遂築此城周十里八十四步豫章古今

記水經注南昌耆舊記大清一統志明王直詩荒城駐馬送斜曛城上迢迢客路分開國已經唐

茫起雖羣欲問向來千載事西風黃葉落紛紛

孫州故城在南昌縣西南唐武德五年以南昌置孫州

八年廢一統志謹案孫州地屬新建南昌縣西南爲新建瑞河口地

劉繇城贛水又東逕劉繇城吳孫策略地至曲阿揚州

刺史劉繇奔豫章築城自保處也在豫章縣北四十里

水經注
古今記

東邱城在郡下流一百四十里臨江古今記謝志舊案東邱城建置始

末並屬何縣不得其詳今據豫章古今記采錄謹案東邱及古城城舊志僅據豫章記亦不知出自何書

無之存疑俟考

齊城在豫章郡東南二十餘里有一城號曰齊王城是

孫奮離宮也水經注謝志舊案孫奮吳大帝權第五子初立為齊王居武昌權薨諸葛恪不欲

諸王處濱江兵馬之地徙奮於豫章

塘口城在南昌縣西南七十里梁末廣州刺史蕭勃舉

兵遣其將歐陽頎傅泰等出南康趨豫章傅泰據塘口

城與周文育相持即此塘一作蹠一統志謹案舊志列吉安府一統志辨

其誤今改正

都尉城在南昌縣南三十里北與府城相連隋大業二

年置三年廢

一統志

昌邑城昌邑王賀既廢之後宣帝封爲海昏侯東就國

築城於此去府城西北六十里今爲巡檢司

豫章記名勝志

謹案舊志南康府下亦有昌邑城引明一統志謂在建昌縣北六十里昌邑鄉與此互異今去彼存此

椒邱城漢建安四年孫策起兵破劉勰於尋陽謀取豫

章太守華歆乃築此城以禦之去昌邑城六十里江表

傳策進至椒邱遣虞翻說華歆卽其地也

名勝志

王步城在新建縣北水經注贛水東北逕王步步側有

城云是孫奮爲齊王鎮此

一統志謹案舊志誤與齊城爲一

南昌舊城西瞰大江元末僞漢陳友諒以大艦乘水漲

附城而登遂破之太祖命移城去江三十步後友諒至

不能近明一統志

豐城故城在今豐城縣西南元和志豐城北至洪州一

百四十七里晉故城在今縣南四十一里卽雷孔章得

寶劍處也一統志謹案舊志引太平寰宇記云故城

豐城舊治在登仙鄉豐水西曰榮

古情城在豐城東一里古今記謝志舊案古情城建

今記采錄

鍾陵故城晉析南昌縣東境置鍾陵縣後屢省屢置其

故城在今進賢縣西北一統志

黃中城在進賢縣南五里一名黃牛城一統志

越王城在奉新縣西五十里相傳越王勾踐伐楚屯兵

於此有點軍坪走馬崙諸勝明一統志

新吳故城漢靈帝中平中分海昏置新吳縣故城在奉

新縣西三十里隋省入建昌名勝志

太史慈城漢建安八年荊州刺史劉表從子磐數爲寇

於艾西安諸縣策於是分海昏建昌左右六縣以慈爲

建昌都尉治海昏并督諸將拒磐因築此城在奉新縣

西三十里周迴五里三國志府志謹案太史城卽建昌故城

余城在奉新縣西十五里于慶入洪州進攻新吳余孝

頃起兵拒之因築此城周三里一百五十步太平寰宇記梁書

謹案周三里一百五十步原作周迴三百五十步今據大清一統志引梁書改

黃城在奉新縣西南奉新鄉野田中有平坡周圍一里

相傳宋岳飛引兵經此累土爲屯宿之所一統志

倉城漢遷江東馮氏之族於海昏西里賜之田曰馮田

故其水曰馮水也馮氏倉場故址在龍山下山北有井

井上有牆延袤數百尺俗呼倉城名勝志

西安故城在武甯縣西二十里古今記云漢建安中置

隋開皇九年舊志作廢之太平寰宇記謝志舊案今縣

吳朱然封西安鄉侯卽此地

武安城在武甯縣東南十五里武安山上四面如壁其

上平坦元末邑人胡紹遠兄弟保障鄉民於此立寨亦

名武安寨一統志

古艾城在今義甯州西原作西一百里龍坪岡左傳吳公

子慶忌出居於艾後漢書劉陵艾人卽此宋郡縣志

有縣分自武甯故名分甯之語與艾城不相比附艾城在今州西分甯故城卽今義甯州治非艾城遺址也

西平故城在分甯縣西二百九十七里漢書云鄧通西

平人卽此縣也隋省

太平寰宇記 謹案分甯舊志誤作武甯今改正

富城廢縣漢建安中立富城縣於富水之西晉太康初移理豐水之西在今縣西長豐鄉一名黃金城卽今黃

金陂是

名勝志

廣豐廢縣在豐城縣東廣豐鄉梁大同二年置尋廢今

名故縣

輿圖備考縣志

豫甯廢縣今下南鄉甘羅邨卽唐豫甯縣治景雲中所

遷也今治乃天寶四年復遷者在玉枕山前

名勝志謹案一統

志據唐會要貞元十五年武甯民鄧廣上言有縣治甘羅邨之語知移今治猶在貞元之後非天寶時矣以

昌南府

雲棚城在高安縣北三十里又縣北五里有斷水橋城

皆隋末土人應智珣屯兵地

一統志謝志舊案唐書隋大業閒蕭銑林上宏攻

江西應智項於華林山置雲棚城召義兵保
安此土武德五年歸唐高祖以為靖州刺史

華陽故城在州西四十里唐武德五年置靖州時立縣

八年廢州及縣有古城在太平寰宇記

米城在上高縣西北五十里顧城山下唐末淮南所置

戍守處一云米城取米州之義一統志名勝志

宜豐故城在新昌縣北三十里孫吳建唐省入高安明

志

上蔡廢縣在上高縣西後漢靈帝時置晉改為望蔡縣

隋廢唐武德五年復置八年廢一統志

陽樂廢縣在新昌縣東二十里唐武德五年置八年省

一統志謹案太平寰宇記云在筠州西北八十里義

樂縣為唐靖州之陽樂縣也以上瑞州府

萍鄉故城在萍鄉縣東四十里晉太興元年陳敏僭王

江東與杜弢謀相應元帝遣鎮南將軍陶侃水陸二道

來伐又使甘卓領兵至縣東築壘卽此地也

太平寰宇記

康樂故城在萬載縣東二十里三國吳析建成置陽樂

縣晉改康樂隋省寰宇記云古城在縣東北四里宋武

帝封謝靈運爲康樂侯卽此地也其城周迴山水有謝

公書堂石硯猶存又縣東隅亦有康樂城元末紅巾劉

仁據縣時築周五里

一統志

瑞州府志

謝志

甘卓壘近蘆溪一在聖岡嶺

舊志

家記

五所

此外不可攷

峽山寨在分宜縣南其地山峻水險高崖峭壁舊傳李

克用曾駐兵於此遺址尙存

林志

李克用以追黃巢過汴州

休軍封禪寺幾為朱全忠所害總尉氏門而出自後且不再至河南焉得有屯兵分宜縣峽山之事以上袁

府州

樊城在府西北三十里相傳有樊將軍居此不知其名

志林

瓦城在府東北四十里相傳五代時鄉民築以自保

書

富國城在清江縣東南十五里相傳南唐儲糧之地又

牛頭城在縣東三十里廬城在縣東北五里建置俱未

詳一統志

新淦故城本漢舊縣豫章南部尉所居陳割屬巴山郡

隋開皇中廢郡縣屬吉州在今新淦縣北一百二十里

楊吳天祐七年冬淮南節度判官嚴可求請置制置使

於新淦縣遣兵戍之以圖虔州卽此元和郡縣志太

春秋

龍池墅城隋廢吳平其年再立新喻縣在龍池之墅大

業時遷治距邨在今縣西北五十里唐麟德元年還治

龍池墅在今新喻縣南五里太平寰宇記一統志

西吳州城武德初安撫使李大亮析新喻置西吳州七

年廢復建新喻縣按明一統志此卽距邨州治也在今

新喻縣北四十里太平寰宇記

巴邱縣故城三國吳分新淦石陽兩縣置巴邱縣吳志

孫策定豫章留周瑜鎮巴邱卽此周瑜堞在焉今隸峽

江去新淦縣南八十里距峽江城北二里爲演武場地

太平寰宇記一統志豫章書縣志詳案巴邱

縣舊志據寰宇記誤字作巴邱郡今依一統志改正

泥溪城在新淦縣南四十里臨江梁末蕭勃起兵廣州

遣將歐陽頔屯豫章之苦竹灘陳將周文育襲據芊韶

頔大駭退入泥溪卽此今隸峽江在縣北二十里一統志

臨江府志 峽江縣志 謹案舊志原引寰宇記以梁末爲天監以蕭勃爲蕭敷蓋沿俗刻謫字今據一統志

改正

監軍城在新淦縣西十里地名城口楊吳建制置院於

新淦又渡江而西置監軍營因築此城宋紹興閒廢一統志

志

吳平廢縣在新喻縣東一百一里本漢末漢平縣吳改

爲吳平縣開皇中廢今清江縣西三十里有吳城卽吳

平也 太平寰宇記 清江縣志

始平廢縣在新喻縣北九十里唐武德五年置七年廢

宋時割屬清江今清江縣樓梧山下玉虛觀古始平縣

也一統志

河皋寨樓梧山前瀕河有石曰河皋石昔周瑜留鎮巴

邱時嘗憩焉今呼其處爲河皋寨名勝志

員僚寨在清江縣西南六十里接新喻高安兩縣界蓋

曹王皋所立一統志王爲隋人今據一統志改謹案林志誤以曹

楓岡寨在新淦縣南五里唐吉州刺史彭玕立寨於此

又縣東南四十里有羊角寨一統志舊通志

鄧克明寨在新淦縣東四十里鄧克明據撫州時所立

忠武王常遇春討平之削山爲城壘石爲門周遭二十

里城塹俱存府志

白羊寨在新淦縣東北四十里白羊嶺下周二十里又

縣東五十里有陳家寨縣東北四十里又有寶厯寨一

名金城周三十里一統志

沙坑寨在峽江縣東北明初常遇春討熊天瑞於贛州

至臨江平沙坑麻嶺牛皮諸山寨卽此一統志以上臨江府志

廬陵故城在今廬陵縣南漢置一統志引元和志謹案舊志所

已詳地理沿革表不再著元劉銑古城秋釀詩大江

夢花紅滿隄上人家多竹離雨廚爭炊白雪飄霜

滿瀉黃酥厄城中少年好遊治渡江買醉攜帳眉江東

估客貪祭賽第一先酹蕭郎祠白志舊案廬陵故城

有二一漢舊縣西晉太康中郡移於石陽而城廢宋孔倫

史所謂在太和縣西北三十里者是也晉咸康末

所築隋開皇十年改郡爲吉州而城始廢卽樂史所謂在今縣治南一里是也各志未明今爲改正

高昌故城在廬陵縣西十五里本廬陵縣地吳改置高

昌縣當漢興梁省入石陽一統志

大皋城在太和縣北八十三里東臨贛水梁大寶元年

原作天監三年誤
陳武帝領兵赴難高州刺史李遷仕築城於

大泉以拒之
太平寰宇記謝志舊案府志寰宇記稱城在太和縣北八十里今泰和北三十里

抵廬陵界又三十里爲大泉渡城當屬廬陵

西昌故城在太和縣西三里齊明帝初封西昌侯於此

陳省隋平陳復置尋廢
太平寰宇記隋書地理志

白口城在太和縣東南二里梁末
原作天監三年誤陳武帝遣

杜僧明等將兵二萬築城於白口以禦李遷仕遷仕亦

築城相對今兩城舊蹟猶存近白下驛
太平寰宇記謹案泰和縣志

白口城在縣南五里隔江東謂之石城西謂之高城

吉陽故城在吉水縣東一百二十里吳後主二年立隋

開皇十年廢今隸永豐
太平寰宇記一統志城在吉水縣東北

石陽故城在吉水縣東北三十里後漢置縣隋改石陽

為廬陵又舊郡城在縣東北二十五里隋大業三年置

唐開耀元年徙廢太平寰宇記一統志縣地縣志或可互

存省志則宜從一舊通志分見二府今依一統志專就

吉安以其會為廬陵郡治也又案名勝志謂石陽故城

在玉笥鄉之仙居里去新淦五十里以寰宇記吉水東

北三十里推之則又與永豐相近建城之地代遠難稽

姑闕疑焉以論知者

馬家城在吉水縣東北二十里故石陽縣城南宋高宗

時州守馬彥先所築一統志

陽豐故城在永豐縣西後漢興平中吳置陽城縣晉改

陽豐今縣西六十里有陽城相傳故縣治此一統志

聖嶺城在永豐縣南三十里有聖嶺世傳五代閒夜有

神人震動其上旦視之突起土城周迴數里因以為名

宋紹興中鄉人避寇其中多全活名勝志

嚴城在永豐縣南十五里舊傳唐末有嚴將軍者屯兵於此因名一統志

安成故城去安福縣西六十里有安成故城存焉卽漢

安成侯張普所理也

太平寰宇記 謹案舊志別出安福廢縣不知安福卽安復安復卽

安成也今刪并

平都故城本安平侯國在安福縣東南百里王水口輿

地志樟樹沒於龍陂卽其水也漢時平都縣在此水口

以地險徙之舊城猶存晉元康元年朱居爲安成太守

築郡城郭內有雙闕高數丈隋平陳廢郡爲縣

太平寰宇記

謹案自吳至陳安平郡皆治平都本一城也舊志分而爲二甚誤今刪并

亭符城在安福縣南八十里又禾城在縣南一百里建

置未詳一統志

牛羊城在龍泉縣西北三里古山寨宋建炎四年山寇

犯縣縣令趙迪之築城禦卻之亦曰牛羊寨

一統志

蔣公城在龍泉縣西右溪西陂阜上城壕猶存相傳昔

蔣姓所築

一統志

遂興故城在萬安縣西北十五里吳置新興縣晉改遂

興隋廢今龍泉江口金城卽其地

一統志 謹案舊志作遂興故縣

魚梁城在萬安縣南五里梁末李遷仕遣其將杜平虜

入贛石魚梁作城卽此縣志城近龍溪惶恐灘

一統志

永新故城在今永新縣西三十五里唐顯慶中徙廢又

有南平州城在縣西二十里

一統志

廣興故城在蓮花廳一都晉太康初置廣興去永新縣

西北八十里

蓮花廳志 方輿紀要 一統志

來澄潭一回互萬象森可掬脩脩澹清素草短牛羊飢
沙煖鳬鷺聚枯槎出巖岸野艇橫遠渡荒寒何代城隱
樵路尚門戶昔時歌舞地今人采
樵路回薄萬古心斜陽老煙樹

巴山故城梁置隋廢在崇仁縣西南三十一里以巴山

爲名一統志謹案巴山地屬崇仁巴詳地理沿革表

六十里漢之理所蓋江撫州二府且引資字記云去新淦

知臨川無巴山縣也又引名勝志巴山故城一名游城不知

城未聞巴山亦有是稱也今刪正

上城下城在崇仁縣東二城相距五里許平岡迤邐上

城有墟市不詳所始一統志謹案金谿東南亦有

三耆城在崇仁縣南北崇仁治臨巴水連市錯居南北

相匝不辨郊野地號三耆北耆列官寺廟學南有東西

二耆民居輻輳嘉靖辛酉都御史胡松建二城豫章書

記先

洛城在金谿縣西四十里梁末周迪起兵時築又有上

城下城在縣東南七里相傳亦迪所築

一統志

珊城在金谿縣西南四十里相傳南唐後主時所築今

有珊城渡

一統志

宜黃故城三國吳置在宜黃縣東今水東百花洲有小

廟名故縣蓋其遺址宋開寶中徙水西黃墳鎮即今治

一統志

樂安故城宋紹興中置在今縣北古塘後徙

一統志

神運城在樂安縣南八十里相傳唐羅僕射領兵逐寇

至此夜有神助其築城遺迹尙存

一統志

東鄉故城在今東鄉縣南長林山下後徙

一統志

西甯廢縣在崇仁縣南六十三里三國吳置以西南水

永甯故城在今永甯縣東五十里鵝嶺西本永新之勝

業鄉元至順間置縣至正六年於一堡建城尋徙元史地理

志一統志吉安府志

東昌廢縣本三國吳置在太和縣西北六十里今泰和

縣永和縣鎮卽其地太平寰宇記名勝志

興平廢縣在永豐縣東北今縣有興平鄉卽因故縣爲

名一統志謹案寰宇記以爲在吉水縣界

張欽寨在吉水縣北九十里世傳楊吳將張欽屯兵與

彭玕對壘之所相近有相公坪彭玕置堡寨於上可容

數萬人倉廩之迹猶存明一統志謹案舊志張欽寨相公坪分列二條今并爲一

以上吉安府

西豐故城在臨川縣西南五十里一名游城本吳西平

縣晉改西豐隋省入臨川縣一統志

臨汝故城在今臨川縣城西五里汝水西臨水東有平

陸曰赤岡古州治也上古城唐寶應中太守王圓移治

於連鑾小溪之西陞赤岡治遂廢名勝志一統志謹案臨汝故城舊志

作古州城今依一統志改

定川故城故城原作廢縣依一統志改梁分臨汝西北境置定川縣

定川即臨水也其治在今之雷坊去縣北五十里名勝志

謝志舊案明一統志母城即其地也

工塘城在臨川縣東南四十里梁周迪等築今堙一統志

述陂城在臨川縣西十五里唐武德五年刺史周法猛

築置陂上山田百餘畝為永久修陂之費今與小港華

家徐陂相連並列為五陂一統志宋李浩詩數樣臨舊陂我目得以寓長溪山根

爲名

太平寰宇記

新建廢縣在崇仁縣西南九十五里吳太平二年置隋

廢

太平寰宇記

安浦廢縣在今樂安縣西南六十里吳置以安浦邨爲

名隋廢

太平寰宇記一統志以上撫州府

南城故城在今南城縣東南漢置濬熙郡志故縣治在

今縣東可封鄉峭石對岸至今石山橫亙繞如半城登

海寺二里閒尙名故縣而橫江則名縣前上營下營云

已而遷縣盱江門外塌埠街又圯於水乃遷今治

一統志

謹案舊志作南城舊縣

都軍城在南城縣南六十里唐乾符末危全諷築以屯兵後爲曾潭鎮今名都軍鋪又有土城在縣南三十里

亦全諷所築久廢其地猶名城上

一統志林志謹案舊志僅載危全諷

土城作在縣南三十五里都軍城舊志失載今據一統志補入

南豐故城有二一在廣昌縣東吳置一在今南豐縣東

唐時徙置吳縣址在廣昌東十五里土屯耆隋唐開再

經廢置益徙而東今縣東一里嘉禾驛唐所徙也開成

二年乃遷今治

一統志謹案縣志作南豐舊縣

鳳山堡城在南城縣城北鳳凰山麓宋開慶元年知軍

事雷宜中築又置鳳山寨景定四年知軍錢應孫添造

寨門並樓元初廢

林志

建昌軍舊城沿盱江而東至中坊寺西連七星閣北止

天甯寺蓋軍城之舊也

名勝志

永城廢縣在新城縣北三里地名城頭吳置隋省唐復

置尋省一統志

東興廢縣在今新城縣東北三十里東興鄉石門里亦名石門寨又南豐縣東門外有桂華坊舊名東興坊或以爲卽古東興縣治一統志以上建昌府

玉山故城在今玉山縣東西至信州九十里一統志

葛陽故城在今弋陽縣西以城在葛水之北故名隋開皇中徙改一統志

永豐故城本饒州弋陽縣進賢鄉永豐里之地乾元元年正月與信州同置因里爲名太平寰宇記元和郡縣志

上饒故縣在今廣信府城西北天津橋之原本三國吳置元末燬於兵明洪武三年徙今治今社稷壇卽其故

址一統志

寶豐故縣在弋陽縣南五十里宋淳化間以寶豐場置

尋廢為鎮一統志

貴溪故縣在今貴溪縣治西一里今名舊教場元時徙

於今所一統志

鉛山故址在今鉛山縣西本置鉛場舊在寶山南唐昇

元二年遷鷺湖山郭水西鄧田坂卽廨署也宋紹定中

縣令章謙亨又遷於八樹嶺之南故基在今北關外明

洪武初又徙今治一統志以廣信府

鄱陽故城在今鄱陽縣東六十里漢縣也今名故縣鎮

一統志謹案舊志引寰宇記謂卽吳芮所居之城一

統志駁之曰宋書州郡志吳赤烏八年徙治吳芮故城

則漢時所置已非故地至吳時乃復吳芮之舊隋唐以

來不言遷徙可知今縣卽吳芮故城其在東界者蓋漢

故縣寰宇記謂故

縣爲吳芮城疑誤

鄴陽故城在鄴陽縣西北一百二十里鄴陽記云漢高

帝六年置宋永初二年廢

太平寰宇記

廣晉故城在鄴陽縣西北一百八十里今名廣晉鄉有

城基

名勝志

英布城在鄴陽縣西北一百五十里相傳漢吳芮築以

居布又有吳芮觀獵城在鄴陽故城西十八里

一統志謹案

舊志分而為二今依一統志改

童敏城在鄴陽縣東北永平關東隋末邑人袁贇率眾

避寇保此

一統志

餘汗故城在今餘干縣東北四都又縣東冕山縣南瓜

畚邨縣北管樞市皆有古城

一統志城上與白雲齊萬古荒涼

楚水西官舍已空秋草綠女牆猶在夜烏啼平江渺渺來人遠落日亭亭向客低沙鳥不知陵谷變朝飛暮去

弋陽溪

白雲城在餘干縣治西相傳隋末林士宏所築一統志

樂平故城在今樂平縣東南桐山鄉長樂水口本唐初

所置在德興縣界後徙於此宋後更徙今治一統志謹案樂平

故城舊志作長樂舊城

彭綺城在樂平縣治東十里翥山麓吳黃武中郡人彭

綺所築一名翥山寨一統志

新平故城唐初置在今浮梁縣北百里化鵬新定二鄉

之間開元中徙改一統志謹案舊志作廢新平縣所引寰宇記語與史不合今據一統志

正改

新昌故城在浮梁縣東南昌江口之左今顯教寺是也

唐開元中置縣於此後徙溪北此城遂廢縣志謹案新

昌故城舊志
作新昌廢縣

南城在浮梁縣昌江南唐末黃巢之亂縣令金日安

統

志作徙民居以避之

林志

樂安故城在德興縣東百里樂平鄉漢建安中吳置

統

志 謹案舊志引豫章書作在德興縣東一百
五十里又謂漢靈帝時所築辨詳地理沿革表

吳闡城在德興縣南七里世傳吳芮嘗馳馬於此又有
吳王鑄印堆鳳凰臺走馬隄淬劍池大小花山宋張燾

居此亦名吳園

一統志

安仁故城陳置在今安仁縣東南一云餘干縣東南一

百五十里

一統志
平實字記 太

石港城在安仁縣東南十里元至正中邑人王溥就所
居依山臨溪築城以自固明洪武初歸附置稅課局今

爲石港市

一統志 謹案林志作在德興縣榮祿鄉與此不同

荷溪城在萬年縣東北四十里去樂平之仙鶴鎮十里

許明正德中因桃源賊起總制陳金築土城移仙鶴巖

巡司戍此事平汰巡司其城尙存

一統志

玉亭廢縣在餘干縣東南唐初置玉亭長城二縣尋省

玉亭入長城

一統志

銀城廢縣在德興縣東一百二十里陳置隋廢今名銀

冶堡

一統志 謹案舊志有東安廢縣引雷次宗豫章記云漢永安中置縣在銀城蓋卽樂安之誤今刪

長城廢縣武德四年置八年省入餘干今安仁縣南長

城鄉是其廢址

唐書 名勝志 以上饒州府

彭澤故城在都昌縣北四十五里晉陶潛爲令理此城

其城漢高帝置屬豫章隋平陳廢今舊迹猶存

元和縣志

太平寰宇記

都昌故城在今都昌縣北唐置唐初縣治在縣北九十里王市鎮大厯閒徙治彭蠡湖東卽今治也今有王家市爲遠近商賈輳集處俗亦謂故縣曰衙前

一統志

左里城在都昌縣西南九十五里盧循爲宋高祖所敗自蔡州南走還止潯陽聞大軍將至欲走豫章乃悉力柵斷左里及大軍至將戰高祖所執麾竿折幡沈水眾懼高祖笑曰往年覆舟之戰幡竿亦折今者復然破賊必矣卽進攻柵城投水死者萬餘人遂大破賊循所築在湖空因名城基猶存今名左蠡城在縣西北五十里宋郡守黃桂所築

元和郡縣志

平寰宇記

檀道濟城在都昌縣西北七十里相傳道濟討謝晦時

築城山上卽今城子山也一統志

海昏故城在建昌縣蘆潭東北二里許又有太史慈城

在縣西百步前帶修江後倚山阜今名古城港一統志謹案

太史慈城已見南昌府此又不同疑慈領建昌都尉時督軍以拒劉磐所築之城或非一地故兩存以俟考又

案舊志有建昌古城卽指太史慈城茲不重著

孫慮城在建昌縣南一百里慮吳孫權第三子黃武七

年封建昌侯居此城南有青石井用綆十四丈四時可

汲一云在安義縣東十里又有孫權城在縣東八里鳳

凰山上太平寰宇記一統志

龍安廢縣在安義縣東北二十里唐初置縣屬南昌州

尋廢宋慶厯中置龍安驛於此一統志舊府志謹案舊志作龍安故城今

依一統志改

舊魚門縣在星子縣西五十里走馬湖中今石街尙存

驛路南通建昌西通德安縣舊府志 謹案魚門之名不見史籍故沿革表闕之

仍存此以俟攷

楊成公營在都昌縣西北八十里相傳隋開皇中建又

縣北五十里有李大亮營一統志 舊府志

上繚營在建昌縣南一十七里豐安鄉昌邑王賀所築

今爲民地沙埠又石姥營在縣南二十一里相傳亦昌

邑王所築一統志 舊府志

鎮邊營在建昌縣東四里永豐鄉漢建安八年孫策以

劉磐數寇艾命太史慈爲建昌都尉築營拒之後鎮將

楊譚移於法淨寺側址爲民地舊府志

彭蠡戍在都昌縣西北百七十里西臨彭蠡湖北連釣

磯山舊是戍唐武德五年以江湖闊遠遂重置鎮景龍

元年復為戍以為衝要

太平寰宇記

檀山廢戍在都昌縣北九十里與馬頰相對唐武德五

年以水陸要衝置戍貞觀元年廢

太平寰宇記

康王城廬山上北嶺有城號康王城天雨聞鼓角之聲

傳云周康王好音累尋名山故有康王之號

述異記

柴桑故城在德化縣西南九十里漢置屬豫章郡今楚

城驛是其址晉永和中有童謠呼柴桑城為平石城時

人僉謂平滅石氏之徵也桓元篡位晉帝為平固王恭

帝為石陽公俱遷於此城

一統志述異記

半洲城在德化縣西九十里吳孫慮出鎮於此築城

元和

郡縣志

巢湖城在潯陽縣東四十二里楚有二巢湖一在廬江

六縣一南巢桀所奔處卽此元和郡縣志一統志謹案舊志有懷玉城引名

勝志云在府城西一十五里本漢尋陽縣孟懷玉所築

隋因水忠移人城爲附郭今名故州彭蠡城皆其地

也此與明一統志潯陽一條相同漢尋陽縣非彭蠡

城明一統志所言大清一統志已斥其尤無所據

則懷玉城之有無不可知也今改附注末

郡南古城尋陽張允家在本郡郡南有古城張少貧約

屢往遊憩忽有一老父來與張言因問之此城何名答

曰吾不知爲南郡城耳張後出官爲南郡太守卽以城

號以志老父之言述異記謹案記言殊縹緲又不確指何地以舊志久著姑存之

匣劍城九江郡治正對廬山之雙劍峯宋乾道中蜀人

唐立方爲守謂昔曹翰嘗屠此州後李成亦嘗入郭皆

雙劍之祟乃闢譙樓前隙地築爲二城夾樓而臨其上

謂之匣劍云程史

彭澤故城在湖口縣東三十里漢置隋改置龍城縣於

東界故城東界並後改龍城為彭澤而故縣遂廢一統志

謹案舊志作古彭澤縣今依一統志作故城

浔州故城在彭澤縣浔山下唐初李大亮奏置後廢豫章

書謹案舊志浔州並見饒州府今去彼存此

趙屯城在彭澤縣東北二百五十七里典籍不載古老

相傳為趙屯城太平寰宇記

古太原郡在彭澤縣東北五十里梁武帝僑置領彭澤

晉陽和城天水四縣隋平陳廢一統志謹案舊志引寰宇記其言多誤今據

一統志改

松滋廢縣在德化縣東晉成帝時僑立松滋郡安帝時

省爲縣一統志

汝南廢縣在德化縣西梁置隋平陳并入尋陽一統志

九江廢縣在府境晉元帝置後省豫章書

楚城廢縣在德化縣唐武德五年置貞觀八年省入尋

陽豫章書太

上甲廢縣在湖口縣東南百里彭澤鄉三學堂南晉元

帝時置一統志

天水廢縣在彭澤縣東五十里按顧野王輿地志天水

縣梁武帝置以擬西水縣隋平陳廢入彭澤太平寰宇記謹案

舊志有和城晉陽二廢縣亦梁所置然其地在今安徽池州府境不隸江西今並不錄

龍城廢縣在彭澤縣西二里隋平陳後置至開皇十八

年又改爲彭澤縣太平寰宇記

樂城廢縣在彭澤縣南三十九里縣城傍山爲之南北

高險東西平下隋大業十三年爲賊帥張善安所據唐

武德五年賊平置縣屬浩州八年省州及縣併入彭澤

太平寰宇記謹案彭澤縣志謂廢縣在今縣東五十里陶王山北未知何據

陶公壘在德化縣東北晉咸和四年郭默叛陶侃討默

築壘以攻之默乃以布囊盛米爲壘以應陶今稱陶公

壘一統志元和郡縣志謹案壘本名郭默城通鑑梁大寶二年侯景將于慶自鄱陽還豫章侯瑛拒之

慶走江州據郭默城卽此是也今依舊志作陶公壘

檀道濟壘在府城境豫章書上九江府以

庾將軍城前漢南越不賓遣將軍庾姓者討之築城於

此在大庾縣西南二里漢志云庾勝者梅鋗之將隸番

君從高帝定天下使分兵守臺嶺築城嶺上臺嶺者大

庾嶺也有石平如臺在縣南二十五里元和郡縣志名勝

志謹案庾將軍城一統志作大庾故城說略同

崎頭城在大庾縣東梁大寶初陳高祖自始興起兵討

侯景度大庾破蔡路養於南埜因修崎頭故城自南康

徙居之九域志大庾有硤頭鎮即崎頭之譌也城在今

縣東百里章江之岸曲處孫愐曰曲岸曰崎一統志

峯山城在大庾縣北小溪城北十五里其人素善弩明

正德丙子都御史王守仁選為弩手從征猺寇事平民

恐報復築城自衛名勝志縣志明王守仁過峯山

縱橫民今樂業皆安堵我亦經過一駐旌香火門壠

老稱壺漿遠道及從行峯山弩手疲勞甚且放歸農莫

迎送水南城在章江南與郡城夾江而峙民居稠密倍於郡

城明嘉靖辛酉勅築南門曰梅山門外卽梅嶺路街有

五里折梅亭成化閒郡守張弼建

名勝志

新田城在大庾縣東北城池志云庾嶺北四十里爲新

田城又北五里爲鳳皇城西十里有楊梅城俱明嘉靖

四十四年築北十里爲小溪城舊有驛今遷去先十年

築東五里爲九所城亦四十四年築

一統志

南茱故城在今南康縣西南章江南岸秦置縣漢屬豫

章郡今南野鎮卽故縣也

一統志

元豐九域志謹

縣淮南子云秦使尉屠睢將五

軍一軍守南茱之嶠當卽此地

南康故城在今南康縣西南隅一里晉縣

一統志

邨頭城在上猶縣西北明嘉靖中居民所築

一統志

大庾舊縣在今大庾縣東二里唐神龍中置縣治此宋

淳化初徙今治

一統志

謹案舊志引明

一統志作淳

大

清一統志改正

上猶舊縣在上猶縣西宋紹興開始移今治

一統志

橫浦廢關漢將軍楊僕討呂嘉出豫章下橫浦卽此處在大庾縣南三十里大庾嶺上關外頗峻絕關內廣谷可容寨柵疑卽古入關之路及張九齡開鑿庾嶺此關乃廢

太平寰宇記一統志

梅關宋嘉祐中立踰橫浦而南陸行十餘里山行五六里盤迴繚曲躋於嶺巔界江廣之交石壁對峙是爲梅關關之外南下亦峻關之內有廣谷爲九柵故址隋開皇十年番禺王仲宣反立九柵大庾嶺詔裴矩進兵擊破之卽此

明一統志

清正集

名勝志

謹案

太傅營在上猶縣西北牛田里久廢林志以南安府

贛縣故城在今贛縣西南地名益漿溪是也一統志太平寰宇

記

葛姥城葛姥者漢末避黃巾賊出自交趾貲財巨萬童僕數千於此築城為家沒後有靈異人因立祠祀之晉太康末洪水橫流忽有大鼓隨波而下入葛姥故城眾力齊曳蹲而不動卜於其地置縣吉遂徙以就焉輿地志

度州圖經

南康郡故城東晉義熙七年徙於贛水東梁承聖元年復移於章貢二水閒即今城是舊城基在扶華坊今為

古城巷太平寰宇記名勝志

雩都故城有二一在今雩都縣東北漢縣也一在今縣

東南唐初所遷一統志謹案故城舊志作故縣一在

誤唐初所遷舊志作在東南仙桂里大昌鄉陳永定

平固故城在興國縣界故址無考今興國縣潑水亦名

平固江贛縣東舊有平固鎮其地當在二縣之間一統

謹案平固故城張尚瑗平固縣故址考論證甚詳亦僅據縣志城北百二十里之語不能確指為何地姑闕疑

也

安遠故城在今安遠縣南梁置一統志以

甯都故城有三一在治南五十里白鹿營吳建一在治

北楊田營晉建一在十二都徐觀劉宋建林

陂陽廢縣在石城縣西以陂陽水為名一統志太平

甯都州東南亦有陂陽鄉與石城之陂陽鄉相接然一

統志據寰宇記道里在虔化縣東一百五十里以為當屬石城今從之

江西通志卷一百十三

江西通志卷一百十四

勝蹟略二

署宅一 南昌府

洗馬池在子城東南隅舊傳為浴仙池事不經郡志載漢灌嬰初定豫章嘗飲馬於此故名在闌閤中與民居相接歲久隘塞一說池以官得名乃衛洗馬玠故迹

臨清軒記 南昌縣志 謹案浴仙事出洪芻職方乘臨清軒在池北范仲華所居也明一統志據灌嬰事為說下引職方乘云又名浴仙池蓋以廣異聞非本名也明王直浴仙池詩翩翩仙侶下連漪香霧霏微壓翠旗鵲渡銀河當七夕鶴歸瑤島已多時蕭條楊柳秋風後零落芙蓉夕露滋青鳥不來雲路杳鳳簫空向月中吹

思賢亭在徐穉墓旁舊曰白社亭吳赤烏中太守謝景立碑墓側永安中太守夏侯嵩於碑旁立思賢亭後謂

之聘君亭宋南渡後亭毀墓湮劔津張敬之因葺公廳
披榛墓出按圖牒求得九里井及桓伊墓乃表墓復亭

像章記

曾鞏南豐集

楊萬里誠齋集

宋彭汝礪

聘君亭詩

東湖九月水如冰

畫坊還尋儒子亭雨後斷

雲歸萬萼天寒孤雁去冥冥蘭若散漫池塘遠松竹參

差島與青貧

惜上恩歸未得自憐雙鬢欲垂星

楊萬里思賢亭詩有客栖霞外無名洩黨中南州一高士東

海獨清風舊國有禾女荒阡猶石翁更煩吹笛魄端為

洗榛

叢

學臺范甯為豫章太守大設庠序遣人往交州采磐石

以供學用並取郡四姓子弟皆充學生課讀五經又起

學臺功用彌廣

晉書

熊鳴鶴宅在府城惠民門內普賢寺寶晉之禪居寺唐

之龍興院也本晉武昌太守熊鳴鶴宅後捨為寺

名勝志

謝尚宅府城北門內大安寺本晉鎮西將軍謝尚宅後

捨爲寺

名勝志

南樓張曲江集有登豫章郡南樓詩

謝志謹案舊志於勝蹟多據前人

詩文所及取充卷帙稽其故址絕無可證然代遠年湮流傳莫考雖近無徵不信聊爲過而存之爰舉例於前不復置辨於後以存愛古之志也

李邕碑在東湖之西有放生池唐先天二年都督張廷

珪奏置北海李邕撰碑文

名勝志

南亭花林顧況有江西觀察宴度支張侍郎南亭花林

序

文苑英華

望江亭在府城東湖之西臨城上唐觀察使韋丹建

江城

名蹟

記

避暑樓本城東南敵樓武陽公韋丹所勅貞元十四年觀察使李巽闢而新之名曰避暑樓夏日嘗同僚屬賓

客宴會於此名勝志

涵虛亭唐宣宗時建宋廢張子顏卽其址爲環波亭下

有釣磯名勝志

東湖亭唐李常侍巽建縣志唐符載記雷霆風雨蕩

也樓觀臺榭宣人之滯也天氣鬱則雨曜不明地氣塞

則萬物不生人氣壅則百神不靈我常侍李公架崇岡

作新亭導百骸理七情用斯義也況是郡也翼軫之所

照燭江湖之所深射扼七城控百越地作干乘艘駕萬

舳王臣聘客環至吾府將有以省風而修好也我有善

地不築不蓋我有樽酒不斟不酌其將欲敘詩人葛屨

之刺乎甚不然也先是東湖汗漫與江邊際秋潦備助

人憂爲魚故相齊公築塘以禦之厭殺水勢日便車馬

盡積則愁爲塗或微而洪之民蓋累年萬口噫息雷動

噓氣霧散繇是行里者駢肩礙踵不得周旋焉我常侍

作橋以張之其修也可以駢肩礙踵不得周旋焉我常侍

結構高標揭葉屏顏白晝晴虹東西竟天愜里閑之迫

隘通鄉遂之迴還千輪馳萬蹕驅渾渾浩浩水流颺駭

盛矣哉澤民利物如是其偉也公樂斯橋之豪大慨斯

橋之孤峙常欲建亭卜勢迭爲光華會石物台秀嶺頽

賓從亟來乎其相與牽率履行而東連岡岸然橫我

步武以爲茲地必答前志喜形於色疎身而登之卽果
若眞宰以萬古之勝待我矣平功漏削厓岸鴻盤數仞
不知坯土眞天造也公暫紆密思計校呈狀萬材已構
他人不知其登於是匠受令吏受命談笑哂而亭成其望
也神張其闢八扉而形端其高也渠渠其邃也耽耽橫四棟
以肅然後迴首永睇從風開襟當軒萬井直視千里西
雲合迤邐橫逾首永睇從風開襟當軒萬井直視千里西
山邈我每良辰嘉客思有宴賞輒具肴酒共爲歡娛天晴
日晏湖光入座寂寞虛徹眇然四去或無鳥過不辨空
水於戲牧鍾陵之民五改火矣首年而衣食富二年而
姦慝禁三年而禮讓興大抵以清淨惠慈爲理本剛明
正直爲化基與民同欲萬戶一令遂用無事里中或謠
曰李公不愉吾何以居李公不室吾何以逸夫如是卽
斯亭斯樹士林君子猶以爲固與異曰捧飛詔擁丹轂
霈然爲霖沃旱濡焦彼毗之斑白童稚徘徊於階墀軒
闥者卽羊公之峴首召伯之棠樹謳歌思慕尤在永久
而不在茲日也載嘗忝從事重遊舊所猥獲登踐陋顏
一開顧茲盛美瞻瞻有頌然事光而材薄多見其
不知量矣是亭居東湖之上因請謚之曰東湖亭

來鵬宅在郡城東湖旁鵬詩云分明記得還家夢徐孺

宅前湖水東

江城名蹟記

南平王鍾傳宅在府城崇梵坊今爲永甯寺宅旁有娉

婷里南平侍兒所居後以名市

江城名蹟記

陳處士園在郡東湖南涯處士陳陶於此植花竹種蔬

芋兼植柑橙課山童賣之

名勝志唐釋齊己過陳陶舊居詩一室貯琴尊詩皆大

雅言夜過秋竹寺醉打老僧門遠燒來籬下寒蔬簇石

根閑庭除鶴迹半是杖頭痕宋戴復古詩伏龍山民

宋正甫湖山小隱迺唐詩人陳陶故圃曾景建作記俾

僕賦詩故人昔住金華峯面帶雙溪秋水容故人今住

伏龍山陳陶故園茅三閒干載清風徐孺子門前共此

一湖水百花洲上萬垂楊白鷗羣裏歌滄浪故人心中事

孺子高故人詩句今陳陶短衣飯牛不逢堯何如繡鞍

上著錦宮袍瓦盆對客酌松醪何如紫霞觴泛碧葡萄

豆其然火度寒宵何如玉堂夜照金蓮膏吟成禿筆寫

芭蕉何如沈香亭北醉揮毫再三問君君不對月送飛

鴻雙鬢皓此計知中之悔不早三椽可辦煙霞會照影湖

邊種種草明王直詩荒涼舊宅鎖寒煙獨訪遺蹤思

渺然絕俗高風前史載凌雲佳句後人傳清泉白石應

須惜細草幽花尚可憐漠漠行

人何處沒青山依舊夕陽邊

林仁肇宅在府城東南南宋太平興國中卽其地爲新建

縣治

江城名蹟記

鳴鸞路南唐中主建都時御道

江城名蹟記

長春殿南唐中主所建

江城名蹟記

令公園在郡東湖南衣錦坊南唐中書令宋齊邱別業

也至宋爲魏公京鏜之第

名勝志 謹案南昌書舊記

建炎中金人至江西郡守以城降金人索少壯三千人使負荷郡乃戶取一人三郎毅然請行墮水不死後以子鏜貴得封朝請郎衣服飲食一如平時出入必徒步初鄉人有行賈者將死以千緡屬三郎曰我死不肖子必蕩費無餘俟其陳餒然後付之已而果然三郎召而以錢歸焉及卒賈人子持喪三年

清逸樓卽齊邱故宅後歸於學士潘修真

縣志作慎修

其孫

興嗣增築臺榭疊石爲山導水爲池占一方之勝號潘

公園園中有清逸樓逍遙亭

名勝志

鐘樓在府治東南俯瞰東湖舊在普賢寺內明洪武中都指揮宋晟遷今處宏治九年重修萬曆十六年知府范涑復修明季燬於兵

國朝巡撫蔡士英重建道光閒復修同治六年巡撫劉坤

一重修

林志

安志

府志

謝志

舊案

明萬恭

鐘樓

蹟記

鐘乃南

唐節度

林

仁肇所

施非宋

末也

水天一色亭在府城故洪橋門外宋時建

林志

雙松堂宋南昌縣治在城東北隅廳側古松二株司馬

光送鄭紳令南昌詩有長江湛湛帶楓林古木寒林縣

寺深之句紹興閒知縣蔡宰建堂榜曰雙松

名勝志

逸老亭見蘇舜欽詩豫章黃氏子建以娛其親者

謝志

物華樓在府學右洗馬池上宋嘉祐中

江城名蹟記

嘉祐作治平

知

洪州程師孟初取王勃序中天寶物華語後圮乾道中

劉琪重建浚池并架橋焉林志吳楚東南最上游江山多在

物華樓遙瞻旌節臨尊俎獨臥柴荆阻獻酬想有新詩

傳素壁怪無餘墨到滄洲

碧波亭宋熙甯時改爲徐孺子祠名勝志謝志舊案

三亭涵虛孺子碧波也則三亭當俱在東湖上

孺子亭在高橋南朱子詩孺子高風何處尋東湖臺觀

水雲深名勝志唐權德輿詩湖上荒亭臨水開龜文

迴道陳陶詩伏龍山橫洲渚地人如白蘋自生死洪崖

成道松陳君落堂上棟湖深史宋蘇轍詩徐君鬱鬱

湧其躬二人出處勢不合譬如日月行西東胡爲賓主

雨相好一榻挂壁吹清風人生偶合何必同一朝利盡

微子去自古不辨污與隆我來故園空歎息城東舊宅

生茅蓬平湖十頃照清廟獨畫徐子遺陳公二人皆合

從	漁	城	漢	高	涼	老	寒	南	香	中	上	靈	鉅	遊	東	今	酒	寄	野	為	事	期	配
物	歌	郭	漢	風	影	樹	行	州	愛	停	色	銅	華	湖	湖	仲	弔	聲	交	寡	瀟	歸	社
外	還	暮	水	遺	半	拂	獨	猶	花	車	長	傳	各	光	鱗	舉	知	郭	章	豫	酒	天	稷
想	上	山	冷	像	斜	晴	經	有	不	忍	為	湖	歸	登	鱗	吏	音	有	薦	章	閉	下	胡
儀	下	青	冷	在	暈	雲	搖	字	忍	折	此	海	把	尊	萬	事	籍	道	天	豈	門	一	不
聖	好	重	俊	令	誰	樹	頭	虛	恰	為	青	微	王	孺	椽	飭	光	一	闕	私	謝	榻	相
		湖	顧	人	懸	裏	雙	盛	似	恐	星	獨	阮	子	序	儒	老	木	聘	交	弓	不	對
		盡	其	懷	木	空	陪	過	借	彭	獨	詩	真	可	雅	松	難	禮	端	招	妄	祠	
		日	如	仰	開	亭	側	日	甘	破	善	未	可	滕	神	禎	支	備	欲	道	設	堂	
		流	冷	挹	延	識	余	白	棠	圓	非	上	師	閭	交	倘	令	重	合	所	待	中	
		孤	服	清	芬	聘	髮	老	樹	紅	忘	滕	世	王	載	居	背	馬	宗	不	必	王	
		枕	醒	雨	空	君	故	星	入	元	萬	世	高	閣	途	孔	樊	人	社	吾	賢	十	
		高	雨	國	鸞	星	湖	青	復	雨	葉	高	風	先	何	偏	丹	處	漢	舍	者	朋	
		士	過	樓	生	緣	明	歲	詩	軒	雲	煙	自	登	上	長	青	行	廷	無	云	南	
		何	樓	臺	朝	陰	曾	晚	東	潤	上	有	雲	孺	行	賈	妙	聲	不	此	性	州	
		妨	認	草	李	初	曾	送	漢	秋	干	花	錦	湖	山	行	摹	似	清	賢	少	傑	
		認	草	亭	夢	占	雨	僧	久	風	池	錦	湖	山	延	子	寫	回	風	忍	通	出	
		亭	香	雲	香	增	雨	東	去	無	國	招	繡	山	延	亭	作	也	虛	使	得	土	
		順	雲	連	連	煙	煙	啼	天	國	招	繡	山	延	西	公	從	江	假	遺	一	林	
		南	連	連	連	煙	煙	啼	天	國	招	繡	山	延	西	公	從	江	假	遺	一	林	
		南	連	連	連	煙	煙	啼	天	國	招	繡	山	延	西	公	從	江	假	遺	一	林	

涵虛閣在東湖北宋國子博士李夔私第夔江南名士

以母老致政浚湖初閣榜曰涵虛與地紀勝者宋楊億

公考槃之所也李公挺生民之秀負王佐之才決科廣

庭文雅第一從政劇邑吏人不吹以大夫人在喜懼尤

年有羸老之疾拜書北闕求養南陔天子嘉之恩禮

異既蘭臺之進秩仍水衡而分俸用致官歸侍庭闈

始卜居歷陽載離寒暑會公之令子今西臺御史以東

書郎通守洪州叔孫必葺豈復懷安元方將車因以

上今年御史秩滿歸闕公且致書於余曰叟東西南北

之人也前年來江西北登臨山水一覽觀風物懋戀而

去且欲占籍為是邦之民買田一廛築室百堵編民戶

版輪稅公上陶然與漢陰丈人攜手於義皇之闕前

茲郡之勝實為東湖今之所居介於湖上卻視闕焉

瞻渺瀰陳宇慘惻而世石分魚鳥飛潛而物態咸見

澄波萬頃豁映雲天崇朝八達洛繹冠蓋此亦古人

隱之迹不出朝市儒者一畝之宮僅庇風雨者也且

嘉賓至止必宴豆以中歡諸生來思乃函丈而請益

薦拜慶既以奉北堂而縱心岸幘燕居亦欲倚南窗

寄傲哉擇爽塏累土增崇俯瞰漣漪而勢素定市山

以樸斲命梓匠而經營作爲堂如築之可以登高明

軒檐若飛春之晨雜芳被隄綠波如染可以登高明

賦詩夏之晝涼颺拂袵炎雲成峯可以登高明而逃

暑

源收水清羣木搖落可以詠秋氣於楚詞歲暮天寒密
雪飛舞可以歌南山於周雅固足以隘心懷而習靜狎
海鷗以忘機晏坐觀空入毗耶之不二谷神反聽味元
元之五千豈徒晨昏調膳之餘雍容肆體而已東臺舍
人董公昔典是邦或退食之餘必命駕以留連騶馬賞
從容笑語憑軒曠望目送飛鴻秉燭徘徊門留驅馬賞
心不足好樂無荒實由斯閣之成能迴長者之轍若夫
天字岑寂湖光皎鑑俯見雲鳥毫末靡遯其形旁連花
居醫譚不接於耳遊氛宿霧寥廓洞開遠水長空混茫
爲一髣髴其式爲美談余與公曰函虛優哉游哉聊以卒歲親
志其事欽聞緒言是用景行高山講求方策若虛白之
比耆德欽聞緒言是用景行高山講求方策若虛白之
室莊周得之逍遙通德之門司農推之鴻博集文選於
南荆者層樓尚在草太元於西蜀者高臺未傾吳興有
韻海之堂秣陵有烏衣之舍藏之圖牒芬若椒蘭今李
公地望門風仙姿道骨清白義方之訓子文儒經術之
傳家疏廣之揮金老萊之曳綵纓是全都聲實飛騰游
在家庭必間作事可法歸然茲宇揭於通都聲實飛騰游
居企慕絳構得地風烈在人余固知夫異日與際閣焉
亭鼎峙於鍾陵爲不朽矣承命之辱叙事靡周聊述所
間以塞來請云爾梅堯臣詩耳熱膝間美未爲豫章
遊人以問東湖上可見西山父兄已三人挂冠此遲留
主人趣向遠登覽日不休富麗詩書閣高連百城油
年儻一往風物詠可周

虛應不塊標名門前柳色兼旗色座上琴聲雜佩聲
羨五湖歸范蠡木饒三徑隱淵明吾來拾值初晴後山
色波光分外清

洪氏故宅在郡城東北隅今莫識其處其見於紀載者
鴻父有脩然堂龜父有清非齋駒父有壁陰齋玉父有
昭曠齋俱山谷作銘玉父又有倦殼軒山谷題倦殼軒
詩後曰洪氏四甥才器不同要之皆能獨秀於林者也

江城名蹟記

豫章溝亭在望雲隄上宋程師孟建

江城名蹟記謝

閒師孟知洪州浚章溝揭北闕以節水升降時無水
患今湮惟明萬厯中石刻豫章溝三大字碑碣尚存

蘇翁圃在百花洲俗名三洲蘇圃宋廣漢蘇雲卿種蔬

處後屬郡人宋自適趙章泉題曰灌園庵今爲憩雲庵

江城名蹟記謝志明王直詩生涯漂泊意何如數
畝荒園手自鋤松下白雲隨獨往門前芳草伴閒居故

人開閭勞相問塵世浮名久已疏明
日攜書還遠去此生隨處樂樵漁

雨公亭在憩雲庵旁

謝志

袞賢閣在東湖旁宋樞密吳居厚建以藏賜書徽宗親

書袞賢之閣四字以寵之今廢

江城名蹟記

臨湖閣在東湖旁宋向巨源建洪邁作記

江城名蹟記

皆春園在東湖旁宋甯州章丞相鑑所闢竹石叢峙花

木疏野豐城王提舉義山請於章願得以娛老章慨然

畀之爲易其扁曰共春園

江城名蹟記

風月臺在郡舊子城上本江月臺宋知隆興府陳之茂

改名有碑記

江城名蹟記

睡仙樓在府城大魚巷乃宋時酒庫紹興閒役夫見有
幅巾野服者橫壁垂臥急呼其徒聚觀乃起立以袖障

面趨出失其所之因建樓肖像名曰睡仙明一統志

樂園宋漕司花園紹興中轉運判官趙奇符牒後運副

汪召嗣余應求相繼增築慶元中秘閣趙不遷榜今名

名勝志

風雱堂李伯珍築堂豫章之園名曰風雱水心集

南園在郡治東南舊名桃源洞宋乾道中吳師帶更築

亭榭江城名蹟記

北園在郡治東北直貢院前宋乾道中吳師帶創江城名蹟記

記

東園在郡城東湖上直環波亭宋淳熙中張帥子顏勗

築江城名蹟記

春風樓在府城西林志宋況志甯詩晴日游絲拂畫欄酒帘輕暖碧雲端春風缺地知何

處愁切江
南曲已殘

世美堂在府城修仁坊宋端明殿學士李大性建大性以嘉定四年出守於吳甯宗親書世美二字以寵其行

遂因以署堂額

江城名蹟記

金波樓宋末逸民熊與和建洪州酒之佳者曰金波用

以名樓志其所嗜也

江城名蹟記

僕家樓元末僕列簾闔門死難有司徒其樓於西北城

角以旌忠烈明萬厯閒更名夕佳樓

名勝志案僕氏一門死難

有司徒其樓城隅所以旌忠烈也後人易其名以爲宴遊之所殊非教民成俗之意因仍舊名一明萬時華詩朝登北城風怒號沙飛十丈寒雲高春鴻欲歸呼其曹樓頭歌管聲嘈嘈此地管絃朝復夕父老經過多太息城中少年那復知云是當年使公宰僕公生長自邊塵百花洲畔陰餘春風五桂散遙馥兄弟出入皆朱輪潮陽歸來徧紅巾翰林樹幟城東門喋摧櫓折鼓聲死清池湛湛哀英魂從者妻子十一人葬者道士陳白雲

東風花開鎖空宅狐嘯鼠竄無朝昏
城邊擊鼓白日低明月光中烏夜啼
霜天客散颺朱旗一朝幸遇李夫子
樓頭歌舞如昔時樓下木主公安之
節義品品互今古後來孫許氣如虹
中原寇馬今復馳江南江北多鼓鼙
爲我擊賊後蒸黎萎衍詩落木蕭蕭
下楚雲冥天空江閣留孤月夜靜河
帆橫斷岸聲傳新雁下寒汀登高自
披似管甯

豫章臺龍沙之南爲豫章臺明太祖破陳友諒駐驛南

昌築臺朝父老於此取運錄宋況志甯詩城陰冷落

翁問陳迹小園荒徑長荷苦平周弼詩何日遣蹤鎖

陽石爰老松欹徑險岸隨乾草出江長斗閒可無佳

詩則臺於宋元時早已謝志舊案宋況志甯有豫章臺

甯王府今布政察院官署正德末以宸濠謀逆廢名蹟

記

建安王府在高士橋東旁有半隱園可數畝頗饒古木
奇石有古池深丈許中有石砌一方堆若古墓內時作

金鼓聲江城名蹟記

樂安王府在永和門內江城名蹟記謹案府志載明

寺後宜春王府在進賢門內鍾陵王府在南昌衛右

杏花小隱明洪武中黃德文構江城名蹟記朱善記

中多隱君子昔有陳先生仲易以經學為南北學者所

宗而黃氏昆季伯善仲美復為貴游所重皆豐城產也

伯善東世其子德文仍闢一室曰杏花小隱謹案杏

花小隱謝志作杏陰小隱未知何據府志作杏花小隱

高觀樓在布政司署左明成化十二年布政使王克復

勅建為東樓萬厯三十四年布政使陸長庚王佐築石

改建名曰攬秀明季兵燬

國朝順治閒左布政盧震陽重建乾隆八年燬布政使彭

家屏增建更名高觀

江城名蹟記府志

東湖書屋都御史艾德潤少在郡庠時常擇亢爽之地

構屋數楹儲書數千卷啟扉而眺則一湖之勝俱在目

睫因取以名其居且自號云又李侍郎若虛居東湖以

名其堂李與德潤同郡而異邑居皆近在湖側

懷麓堂集

芙蓉圃在府城東北明嘉靖中瑞昌王府奉國中尉朱

多炷構

江城名蹟記

吏隱亭在新建縣學西南祀梅子真與南昌縣學東南

徐孺子亭對峙明萬厯閒知府盧廷選創建

江城名蹟記明萬

時華詩橋水東西孺子鄰當年仕隱各全身龍蛇今古

孤亭晚桃李晴陰萬井春大漢冰霜留氣韻重湖煙月

照精神因君敢慢今時
尉簿領馳驅或有人

杏花樓在東湖旁明張文端位別業江城名蹟記

枳園明管理石城府事朱謀璋構雜花香草繽紛馥郁

老樹偃蹇其閒蕭然塵外園中藏書疊架連屋手所著

作百餘種刻有書目江城名蹟記

孺榻軒明郡守盧廷選慕陳仲舉之風倣下榻遺意構

茲軒每月課士於其中有孺榻論秀錄江城名蹟記

京山堂在郡城明陳少保道亨勑少保參劾逆瑞魏忠

賢挂冠歸里囊無長物僅餘京山數椽歿後米萬鍾題

曰思堂其旁見山樓藏書八萬卷子宏緒讀書其中江城名蹟記

記

閨園在永和門內明李宗伯明睿構弋陽王舊邸也有

山腰官閣古石堂碧欄池浣花池天池諸蹟嘗自言闔
園以池勝以竹勝尤以松勝他園不敢望焉建聖沙樓
藏書其中甲戌自華亭歸得宋板書一船皆上海潘文
恪家舊藏每部有文恪小像董文敏手書特構一閣貯
焉署曰宋板居

江城名蹟記

梅福宅在州東北三里西接開元觀東西池書堂餘址

尙存

太平寰宇記

謹案王漢江西考古錄云水經注

尉居此古今注曰尉廡在王步北二里是梅福宅本爲尉廡通志但引寰宇記說未備

徐孺子宅在州東北三里後漢徐孺子少有高節追美

梅福之風乃於福宅東築室以居

太平寰宇記謝志舊案曾鞏云東湖南

小洲有孺子宅號孺子臺

土闕在縣南三里州城南雙角闕吳五鳳二年太守張

俊築高四丈餘豫章之闕高則長沙虎食人歲月已久

今無其址

太平寰宇記 吳興記

南浦亭在橋步門往來艤舟之所今為館驛

豫章志 宋

范成大詩繡檻臨滄渚牙橋插暮沙浦雲沈斷雁江雨
入昏鴉野曠天何近春寒歲未華來朝風一席隨處且
浮家閑歲花光晚霜朝草色荒趁墟酒市井收潦再
耕桑客路東西懶江流日夜忙長歌情不盡一酌醉滄
浪

寫韻軒在城南惠民門外唐太和末仙姝吳綵鸞寫孫

恂唐韻處

府志 元虞集記龍興紫極宮寫韻軒高據

之特為城表面西山之勝俯瞰長江開乎民居官舍
望見上游諸郡之山若臨江之玉笥撫之華蓋寸碧天

際森列戶隔此則他處之所莫及也西山神仙窟宅得
道者往來城府致其憫世拯俗之意而游覽燕息於此

蓋必有之郡人相傳唐文蕭吳綵鸞二仙豈其人歟世
傳吳仙嘗寫韻於此軒以之得名予昔在圖書之府及

好事之家往往有其所寫唐韻凡見三四本皆硬黃書
之紙素芳潔界畫精整結字道麗神氣清明豈凡俗之

所可能者哉要皆人間之奇玩也登斯軒而思其風采
亦足以寄遐思也乎而世人塵俗之想沈溺於胸中意
謂高仙幽棲者不異於己而書其遇合之事殊不經也
蓋唐之才人於經藝道學有見者少徒知之爲辭閑暇
無所用心輒想像幽怪遇合才情恍惚之行爲詩章
答問之意附會以爲說蓋奇元稹白居易出卷以爲娛
非必真有是事謂之傳奇者若吳事亦久而莫之
他乎遂相傳信雖爲仙者形質化泯神明照融豈復有
察良可悲夫念而有所謂仙者形質化泯神明照融豈復有
分毫世俗之念而有仙者形質化泯神明照融豈復有
載李夫少初無楊生之事故猶言元契遇合眞道不邪
示有偶對之名凡念之起見謫於天自當恐懼修省一
息不敢緩而可以因循使庸人儒子無所識更得久乎
誣吳君也亦已甚矣而使庸人儒子無所識更得久乎
藉口吾黨之士其可吮墨弄翰揚縹緲而助之波乎因書
此以遺其觀之主者分書中詩擇勝委清曠空軒橫晚
晴遙屏散脈縷毫髮舟行接要居郡最玩奇盡天威常
蒼雲貯止水白雲載舟行接要居郡最玩奇盡天威常
時寫韻人此寄古情招之不可得暮磬長廊聲字飛
玉桂枝香詞紫薇花露瀟灑作涼雲點商句羽宇字
仙下筆一簾風雨江亭月觀今如許嘆飄零看千古
夕陽芳草落花流水依然南浦邪學世閒兒女筆牀硯
天孫標致月娥眉無一笑生春那

滴曾窺處有西山青眼如故素箋寄與玉簫聲徹鳳鳴
鸞舞一趙文綺寮怨詞絳闕珠宮何處碧梧雙鳳吟爲
底事一落人間輕題破隱韻天音當時點雲滴雨思
處誤墨霑素襟算人閒最苦多情爭知道天上情更深
護遺迹尙如今斜陽落花流水紫宇淡成林霜空月明
天風響環佩飛翠禽

臨章亭在南浦驛東

名勝志

唐崔國輔詩楊柳映春

青山際遊宦常往來津亭暫臨憩驛前蒼石沒浦外湖
沙細向晚宴且平孤舟同然逝雲留西北客氣歇東南
帝獨有萋萋心誰知怨芳歲

梅仙亭在城南故望仙門外祀梅子真宋嘉泰初知隆

興府張孝伯建

安志

學古堂南昌胡子器築所居之西架小樓以藏書樓下

扁曰學古

松垣集

愛山亭南昌袁濬幼入後城臺觀戴黃冠爲老子徒而

酷嗜儒書天性鍾孝既去親庭猶供子職淳熙壬寅其

父死卜兆名以愛山慶元丙辰搆小亭其所南鑿以沼

西築以圃時往灑埽識者賢之松垣集謹案朱幸元能記袁氏子名清父

高士亭在北瀝明嘉靖中徐氏裔樟建

國朝乾隆三十四年重修縣志明熊浹記高士亭者北

子者也孺子當漢季哀亂隱居吾豫章城中葆貞獨善

屢辭徵辟乃有南州高士之稱志吾豫章城中葆貞獨善

於茲上者莫不欽慕其風節修宅表墓建祠以致崇重

之意若令東湖之濱所謂高士祠者蓋國初太守許君

方所立則既載諸傳誌而稱高士祠者蓋國初太守許君

孺子元至正間有號永愚者以文行獲交諸名公卿出

雪窗六世祖也徐族固高士後人永愚八字以贈之實

乃於嘉靖某年別立亭於所居之北凡若干楹中背孺

子像以爲妥靈謁虔之地前有門左有柳外復蔽以

環之而橋其南以通出人池之池難植槐柳外復蔽以

周垣波光樹色日夕相掩映其規制景象蓋將與東湖

之亭相埒矣既乃繪圖示予請文以記夫孺子南州一

處士耳初無位勢勳勩可以震動當時垂庇後世而顧

使人稱思至於今不忘者無亦以其行義風節誠足以
廉頑立懦有裨世教而秉彝好德之誠亦自有不能已
百世越千里聞被風聲而其崇仰之誠又況生於其族
者也而況吏於其上得邇其聲迹者乎又況生於其族
而稱為之後人者乎此雪窗之所以有是舉而於尊祖
之仁與賢之義蓋實兼之矣然表樹既嚴歲事有格徐
之於姓登斯亭也甯不惕然興感思目力於善以求無
忝於其先者是寓崇往勸來之意於其閒也已君名樟
字才著雪窗其號也孝友義信之行孚於家推重於鄉
黨蓋足稱其為高士後人而微諸此舉則固非所謂旨
飾虛名者矣是為記

總督舊署在城隍廟右元之平章府明初都指揮司故址

國朝順治中改提督署康熙元年設總督以提督移鎮建

昌遂為總督署四年總督裁併江南改總鎮署十三年

廢今其地名楊家廠謝志謹案謝志云林志有察院

址明洪武五年按察使周楨建正統十四年煨御史韓
雍修一在鐘鼓樓右清軍御史劉芳因菩提寺址創造

宏治五年左布政使宜興沈公暉來莅茲藩周覽及是願
棟撓瓦落煙牆傾乃鳩工庀材卜日興事撓者易之
落者補之墜者濬之傾者築之又於堂北作樓七間以
遠溼汚前為步廊以便校閱樓南為甬道十有六丈以
達於堂後凡用木三千七百章瓦甃黝至鐵石之用稱
是經始於宏治六年六月以是年九月竣工是役也財
取諸在官之羨錢役取諸負臯之囚徒而勞費蓋不及
民既成修梁陳堅碩崇墦稱其為藏典籍之所者沈
公以書屬余記之余惟王者以民為天而黃冊所以紀
民數也書屬余記之入關之初先收圖籍傳崇在宋手
書籍躬加監校古之名臣未有不致重於此者我國家
紹古致治尤重版籍藏冊有常所造冊有常德意敬民
版籍者治忽所係也今沈公與諸君子祇德意敬民數
高崇大廈森而藏之誠知所重矣繼自今稽戶口之登
耗者在是攷集田之多寡者在是辨兵民駿丰客以令
徒役者又在是其有資於治道豈淺也哉夫一庫之作
似不必書然所係甚重於是乎書

舊織染局在府學東

謝志

舊官銅庫在瓦子閣

謝志

舊歲造民局在進賢門內

謝志 南昌府以上南昌

石姑宮在上繚水西五里漢昌邑王勝所居處一作石

姥宮古今記

度支步贛水西北逕度支步晉度支校尉立府之處在

府城西五里陶侃嘗宿此夜聞唱籌聲土人云吳時此

地爲度支廨水經注舊志

盱母宅盱母豫章人聞許遜吳猛道行宣化與子烈結

茅於遜宅旁嘗采瓜果爲許壽後仙去今壇井猶存太平

廣記

鍾離眞君宅在府城西南八十里象牙潭有丹井明一統志

挂屨楓西山玉隆宮外古楓許旌陽在時物也旌陽嘗

以草屨懸其上土人謂屨爲屨因名曰挂屨楓姜夔白石集

沈書浦石頭津在郡江之西岸一名投書浦殷羨作豫

章郡臨去都下人因附百許函書既至石頭悉擲水中

曰有事者沈無事者浮故名焉古今記明王直詩京

人致起居契闊自成千里夢浮沈應任幾封書寒沙渺渺迷鴻雁遠水冥冥化鯉魚千古江山今尚在思君不

見漫躊躇

康僧淵精舍在豫章西山去郡數十里傍連嶺帶長川

芳林列於軒庭清風激於堂宇閒居研講希心理味庾

元規諸人多往顧之世說注

滕王閣在章江廣潤二門之間唐顯慶四年滕王元嬰

都督洪州營建此閣迨落成而滕王之封適至因以名

之後閣伯嶼來督謹案府志據唐書太宗本紀貞觀十

慶四年封始至章慈虞集記中皆言閣建永徽中非顯

慶也國朝萬承蒼書王勃滕王閣序後曰都督閣公

史不載其名西江志引名勝志直以為閣伯嶼者大謬

伯嶼天寶時人未嘗為都督其事附見王勃傳可攷也

其壻吳子章能文令宿構閣序因九日宴僚屬欲出誇
之先是龍門王勃往交趾省親舟次馬當山去南昌七
百餘里神見夢焉且許助風及明而至遂得預宴閣徧
請諸賓客爲序皆辭謝至勃不辭詞成一座驚服其後

王緒爲賦王仲舒爲記韓愈所稱三王是也大中閒閣

燬觀察紇干泉重建

王勃序并詩豫章故郡洪都新府星分翼軫地接衡廬襟三江而帶

五湖控蠻荆而引甌越物華天寶龍光射牛斗之墟人傑地靈徐孺下陳蕃之榻雄州霧列俊彩星馳臺隍枕

夷夏之交賓主盡東南之美都督閻公之雅望榮戟遙臨宇文新州之懿範瞻帷暫駐十旬休暇勝友如雲千

里逢迎高朋滿座騰蛟起鳳孟學士之詞宗紫電青霜王將軍之武庫家君作宰路出名區童子何知躬逢盛

饒時維九月序屬三秋潦水盡而寒潭清煙光凝而暮山紫儼驂駟於上路訪風景於崇阿臨帝子之長洲得

仙人之舊館層巒聳翠上出重霄飛閣流丹下臨無地鶴汀鳬渚窮島嶼之繁迥桂殿蘭宮列岡巒之體勢拔

繡闥俯雕甍山原曠其盈視川澤紆其駭矚閭闔揆地鐘鳴鼎食之家舸艦迷津青雀黃龍之軸虹消雨霽彩

微雲衡落霞與孤鶩齊飛秋水共長天一色漁舟唱晚
響窮彭蠡之濱雁陣驚寒聲斷衡陽之浦遙吟俯暢逸
興遄飛爽籟發而清風生纖歌凝而白雲遇睢園綠竹
氣凌彭澤之樽鄴水朱華光臨川之高安於日下覺宇
并窮睎眄於中天極娛遊之數望長安於地迴覺宇宙之
無窮興與盡悲來識盈虛之有數望長安於地迴覺宇宙之
於雲間地勢極而南溟深天柱高而北辰遠關山難越
誰悲失路之人萍水相逢盡是他鄉之客懷帝闕而不可
見奉宣室以何年嗟乎時運不齊命途多舛馮唐易老
李廣難封屈賈誼於長沙非無聖主竄梁鴻於海曲豈
乏明時所賴君子安貧達人之志命老當益壯處白首
之心窮且益堅不墜青雲之志酌貪泉而覺爽處涸轍
以猶懽北海雖除扶搖可接東隅已逝桑榆非晚孟嘗
高潔懷報國之心阮籍猖狂豈效窮途之哭勃三尺
微命一介書生無路請纓等終軍之弱冠有懷投筆慕
宗慙之長風捨簪笏於白鷗終日趨庭叨陪鯉對萬里
賈樹接孟氏之不逢撫凌雲而自惜鍾期既遇奏流
託龍門呼勝地不逢常盛筵難再蘭亭已矣梓澤邱墟
何慙言幸承恩於偉饒登高作賦是所望於羣公敢竭
別贈言幸承恩於偉饒登高作賦是所望於羣公敢竭
鄴誠恭疏短引一言均賦四韻俱成滕王高閣臨江渚
佩玉鳴鸞罷歌舞畫棟朝飛南浦雲珠簾暮捲西山雨
閒雲潭影日悠悠物換星移幾度秋閣中帝子今何在
檻外長江空自流韓愈記愈少時側聞江南多臨觀

之美而滕王閣獨爲第一有瑰璋絕特之稱及得三王
所爲序賦記等壯其文辭並欲往一觀而讀之以忘吾
憂繫官於朝願莫之遂過南昌而觀所謂滕王閣者其
取疾以天子進大號加恩區內移刺袁州袁州於南昌爲
冬以私幸自語以爲當得躬詣大府受約束於南昌執
屬邑及其無事且還僮得一至其處竊寄目債所願焉至
州之七月詔以中書舍人太原王公宏中爲御史中丞
觀察江南西道洪江饒虔吉信撫袁悉屬治所八州之
人前所不便及所願遂而生秋不得者公至之日皆罷行
數日之閒而人自變春於湖山千陽開陰之外吾雖欲
見論利害聽命於幕下而吾州乃無一事可假而行者
又安得舍已所事以勤公館人與監軍使譙於此閣而
矣其歲九月人吏浹和公與滕王閣又無因而至焉
士皆與在席酒半公所爲文實書在壁今三十年而公
事此邦適理新之公所爲文實書在壁今三十年而公
來爲邦適理新之公所爲文實書在壁今三十年而公
應曰諾於是棟梁桷板之腐黑撓折者蓋瓦級甃
之破缺者赤白之漫漶不鮮者治之則已無侈前人無
廢後觀工既訖公令以衆飲而以書命愈曰子其爲我
記之愈既以未得造觀爲歎竊喜載名其上詞列三王
之次有榮耀焉乃不辭而承公命若其江山之好登望
樂雖老矣如獲從公遊尚能爲公賦之江山之好登望
鍾

陵郡控連山大江環合州城揭起樓遊之者莫不目
駭魂禡號為一方勝廣袤非常製所擬及考尋結構
稱勝王者懿夫峻修滕王作蘇州刺史轉洪州都督之
之始蓋自永徽後中歲戊辰亦將垂二百年徒嘉乎飛
所營造也距今大歲呈形與山同安會不知盪滌不
彈鼎樂虎踞龍盤發地呈形與山同安會不知盪滌不
繫於天災與廢自葉於時數將利恢復果憑智謀故我
雁門公按節廉問方頌條詔令肅而兵戎暫服政和而
疲瘵昭蘇妙撫循則有袴襦咸治公平故州民相與稱賀繼
軸皆空之嘆歲比善熟俗臻洽飲公之化若乳嬰孩雖國
而歌曰自公之來闔境無嗷嗷之化若乳嬰孩雖國
僑理鄭國而多方長孺無何值祝融發其災回祿煽
過也宜乎亨述居全功無斯閣之製驚遂至延及公他
其餒曾未竟夕煤倖秋達則連斯閣之製驚遂至延及公他
廩廩之地接續郵亭營棟纒連疾颺之製驚遂至延及公他
至是領徒夜出俾撤屋開道毒談方職遠巡不能救翌
日公乃往觀焉召將校謂之曰吾幸得備位廉察不能
懇求人乃役不避天戒而火之患時予之幸得備位廉察
詳度費務役不避天戒而火之患時予之幸得備位廉察
謂難集我方指期遂得罄鼓不勝事協於中而公梓材並
構而勢已既自非智周敏政齊不盡一則安能規與
模之豐麗如彼程制造之速疾今增九丈三尺其闊板
邪今按舊閣基址南一丈二尺今增九丈三尺其闊板
北自士際達閣板高一丈二尺今增九丈三尺其闊板

上舊長一丈今增至一丈三尺中柱北首東屋脊長
 二丈四尺今增至三丈一尺舊正閣通窺三尺五尺
 長七丈五尺今增至七丈七尺闊三丈五尺前
 固可謂宏廓顯敞殊形詭狀革故鼎新有如遠凝
 通舟車迴瞰江嶺每值美景譙集笙歌散迂達沈
 上軌雲雨即未知三山之靈仙窟宅五湖之賢達
 其於歷賢勝果又何必如耳故自焚熱之後又建
 廣其郵驛廳事接以飛軒累閣復架連樓小閣對
 揭旁不通江亭津館致巧衙能迴廊并抱以交映
 縈而不絕則是閣也冠八郡風俗人憑之高送歸
 異春之日則鶯舌變晴葉陰如棟統扇罷搖綺窗
 夏之日則露白山青當軒展屏涼風沈醉易醒冬
 之日則簷外雪滿幄中香暖耐舉樽耳好聽歌管則
 之盛縱遊之美賞心樂事庸可既乎夫易圖新則非
 常之盛縱遊之美賞心樂事庸可既乎夫易圖新則非
 張大其所未然何常營況不奪農時不勦人於力
 燼已成之末而遽及者咸謂神化翕忽殆非人力
 免竭時日之末而遽及者咸謂神化翕忽殆非人力
 爲也噫夫瓊瑤特殊嶽峩相扶似乘靈槎湧出方壺
 廈嶢嶢開闔與公之政俱垂不朽矣與區是必知
 年閭之名焉與公之政俱垂不朽矣與區是必知
 物產之殷充亭臺增葺以雲夢嶺署繕完而櫛之
 圖籍孰能該詳慈今所以爲異者但舉乎閭之廢矣
 自

卷之二十一 署宅一

公復興而己其他壯麗形勝已備列諸公述作故宋大

觀開重建元至正元統間重修書省其鎮乎西江者即中

龍興而治焉郡城之上曰滕王閣者俯臨章江而直

其重修而可知者昌黎韓文公記之後五百四十九年

當我朝之至元三十有一年省臣以茲郡貢賦之出隸

屬東朝乃得請隆福皇太后賜錢而修之記其事者柳

城姚文公也又四十年今天子即位改元統其明年來

甲戌江公行臺御史大夫塔失帖木兒時以承統其明

茲省嘗登斯閣而問焉追惟裕皇先後之遺德期有以

廣聖上之斯心平章馬合睦贊之曰重熙累洽之餘民

方亦既舒息名蹟弗治將無以致執事之移鎮江浙丞

思於僚佐請於朝而作新之既而承相移鎮落成省府

以次或升或遷平章克始終其事焉厥既落成省府

使人適臨川之野而命集記之集曰噫昔韓文公之記

是閣也猶以名之列三王之次為幸今韓文公之文

卓然相望於千載之上而每集繼之能無弗稱之文

乎且一閣之遺見崇於今昔者如此彼滕王何其幸歟

將命者曰吾相君之屬筆於予也其咨度於上下也審

矣且子嘗從事於國史今老而寓諸其境於書事為宜

宜勿辭也乃為稽諸郡牘以是年十二月丙子授工

役越明年乙亥仍改元至元之歲五月之吉註立梁

舉

又明年丙子七月竣事閣之崇爲尺四十有四深如崇
之度而廣倍之材石堅緻位置周密簷宇虛敞門刻華
麗有元故事給焉會其費爲中統鈔十六萬五千餘緡
前至大藩之盛觀焉嗚呼洪惟聖天子躬修孝理成化以
成大藩之盛觀焉嗚呼洪惟聖天子躬修孝理成化以
天下登庸宅揆之臣承之以慶賞形或之制風紀之司
振肅中外自方伯連率至於郡縣奉行教令罔敢踰越
其規模宏遠漸被所及無有不至者矣顧茲江湖嶺嶠
之交至於海嶼邈在萬日滋以庶無外事以尊農時舟
障之固生齒數千萬咸知畏法而安分以服力於公上
必通無所底滯俛然咸知畏法而安分以服力於公上
況乎禮義文物尙有可觀於其間者乎斯時也來蒞
是藩者及歲時之閑暇而與往來之公卿大夫觀風之
使四方之賓客若屬吏之來受事者相與登臨覽觀於
斯閣優游雍容以歌頌國家之盛而明太祖幸南昌嘗
發揮其尊主庇民之心不亦偉乎
宴詞臣閣上景泰閒巡撫韓雍重建更名西江第一樓
成化閒布政使翁世資重修復其名曰滕王閣謝一夢
閣故臨江渚歲久圯廢遺址淪諸江流景泰閒巡撫翁
都御史韓公永熙卽其東岸構危樓取韓昌黎記語扁
曰江西第一樓無何復圯成化乙酉少司空莆陽翁公
世資出爲江西左布政使見而慨之銳意以作新爲已

任而三司諸寮亦相與協心贊成焉其規模益大蓋
易舊制爲閣於是復稱之曰滕王閣而公亦樂從人言無
繚以回廊前構堂高廣半之堂左右庖福之所咸備閣
所改云閣觀字以居百老子教之醇謹者數人俾供灑掃
役工甫訖功而公奉敕進右副都御史巡撫山東瀕行
巡按御史閔君珪洎三司諸君餞飲於閣酒半僉作而
請曰昔唐閔都督珪今傳誦赫赫若前日事公新是閣未
愈實爲之序記迨今又得飲餞於此亦一時盛事也無
幾而膺是寵擢珪等又得爲記爲申前請以滕王閣之
文記之不可閔君遂屬子爲書記時方促裝還朝未
以復也麗天者三司諸君復走書申前請以滕王閣之
瑰偉壯麗天下共聞而君復走書申前請以滕王閣之
子以請益至朝諸名公撰述詳矣一夔復何容味益堅
而其請益至朝諸名公撰述詳矣一夔復何容味益堅
時觀遊節勞佚閣之言曰古人之建國必築臺以崇
麗爲宴樂計哉閣之建即其遺意也豈真誇崇高侈富
遠而湖山數千里地宛在目中暇相與登臨此閣憑高
如日聖天子高位重祿以寵吾儕今大江西宜民
之利甯無未舉者乎風俗甯無未美者乎獄訟甯無未
政甯無未舉者乎風俗甯無未美者乎獄訟甯無未
而姦貪甯無未舉者乎風俗甯無未美者乎獄訟甯無未
以及閭閻里伍愁嘆之聲甯無未蘇息者乎於是歸而
司寅協恭益思所以處之則是閣之登實足以發舒諸

君之精神而興起其憂國憂民之美意雖數宴遊其間
 非過也乃若略政務以大修觀借壺觴以飾喜惟務已樂
 違恤民憂諸君必有在大平閣建於成化四年五月訖工
 之意其在是乎其在是乎閣建於成化四年五月訖工
 於是年十月公之擢在嘉靖間巡撫陳洪謨重建順欽
 訖工之明年六月也
 滕王閣自唐永徽中創建其後蓋屢廢而屢興南昌之
 版圖初入我朝遣構猶在聖祖親征偽漢嘗於此宴諸
 將領既而顏堅以盡遺猶在聖祖親征偽漢嘗於此宴諸
 吳公復始於堂後建重屋取韓世資再意景泰中都御使韓
 公雅復於堂後建重屋取韓世資再意景泰中都御使韓
 之樓成化乙酉布政使翁公世資再意景泰中都御使韓
 日勝閣以益敞今都御史武陵陳公洪謨以宏才偉望撫
 循江右百餘年矣茲謀協於鎮守太監黎公望提
 督南贛軍務都御史潘公希曾巡按御史秦君絳徐君
 代清戎御史潘公希曾巡按御史秦君絳徐君
 建之閣凡七間高四十五尺視舊有加堂凡五間大
 門前峙其壯名與閣稱閣之後為堂三間以祠文文山
 謝於山下左右各有廊廡以次相承為閣通計三十有二
 祠有垣以嚴其限中垣為門以時啟閉隨面勢拓其
 址周垣凡七十四丈有奇經始於嘉靖丙戌季秋落成
 以丁亥春仲蓋出羨錢以就工故民不勞移在官閒樓

丁亥春仲蓋出羨錢以就工故民不勞移在官閒樓

以爲助故用財省飭贊貲石皆取諸廢跡丹漆諸物一出於和市堂堂藩府連城數十樓觀相望於遠近未有若是其壯麗而傑出者也僉謂茲役不可以不書乃走使山間徵文爲記吁記斯閣者多矣必其文之典人之賢斯其行之也遠以欽順之荒陋而當是筆也其可乎然竟不獲辭也惟斯閣之勝著聞自昔傳九百餘年以至於今似有非偶然者然在異時要不過以備登臨寄遊觀之適其在今日則於時奉迎詔敕於時館穀使介於時宴饌賓朋政體之所關衣冠文物之所會因當與異時異視況於表章忠烈廟貌顯嚴高山景行鵲仰斯在其關於世教不尤重乎則諸公之協心以成是役誠亦有其非徒然者矣蓋古之君子凡有興作未嘗不致其慎至若維持政教之具爲天下國家之所不容己者則往往相先相勸而爲之故觀於是役之成而君子之政可知也或乃徒以爲續名蹟於往萬厯至崇禎巡撫夏古崇一方之偉觀豈足以盡之哉

良心解學龍巡按方大美相繼修葺後燬於兵

國朝順治十一年巡撫蔡士英重建康熙十八年二十一年閣凡兩燬巡撫安世鼎重建四十二年巡撫張志棟建亭閣左奉

御書滕王閣序四十五年閣又災及亭而火熄巡撫卽廷極復

建雍正九年閣燬亭存乾隆元年總督趙宏恩重建八年布政使彭家屏重修十四年於閣後建迎恩亭爲恭迎

恩詔之所四十一年巡撫海成移建亭於閣前左五十二年閣

圯巡撫何裕城重修道光二十七年燬次年重修咸豐

三年復燬同治十一年巡撫劉坤一重修名勝志謝

南昌縣志劉坤一記出章江門迤西唐滕王元嬰之

閣在焉面江背城翼然臨乎埠坵之上居高視下千里

今在掌昔人有所稱臨觀之美獨爲第一者也蓋自永徽逮

重千二百有餘載矣元明以前興廢代有入昌城三月

播附郭民居閣遂燬於兵燹長已之閣坤一自楚師

援臨江規撫州軍次經行來觀遺址尺寸皆瓦礫榛莽

之墟慨息久之今上御極之初神武應期厭蕩

區夏將帥用命犁庭掃閭既克金陵元惡授首孽類倫

息潛至石城卒俯首受縛盡殲其眾終此武功實在江

右同治乙丑坤一奉天子命鎮撫是邦重過江
渚耆老氓庶亦既樂俗安居巷歌邑頌方謀修闕之
次第興作於今八年粵以王申之秋經始斯閣前
有亭曰迎恩奉八年粵以王申之秋經始斯閣前
尤鉅通按制度準規畫斫材授工戒期賜來集於此
重輟八窗四闥創屢綿茂塗成以明年望遠近陸離
幾先後奏上兩宮皇帝大婚禮成以明年望遠近陸
一與僚屬數至亭下恩澤疊降而斯閣之成適際其
聖世之榮渥蹈德詠仁端拜而舍慕往哲之履蹟仰
樂華興圖故以新易在神化翕忽不勞徠之師旅豐
年荒穢幸澄丹青斯逸羣生積惠重厚俾夫斯閣也
寶賴以至於今其敢貪天之功以爲己力夫斯閣也
人遊觀之地而己盈視駭矚山澤如故流詠歌自爲
哀樂曾不繫心於有無之數豈知千載後人修飾人
成毀殊事經之營之有不得已昌黎所言無侈前人
廢後觀且盛治雍容揄揚以甄沐願與諸僚友都人
優游覽山川志一遊觀之樂則坤一國之志也既訖
徙曠覽山志劉維新之象明年上御極之三年金陵
爰書以爲記遊觀之樂則坤一國之志也既訖金陵
成定大江西南有維新之象明年上御極之三年金陵
公撫我疆宇扶哀起倣綏緝而繕完之數年之閒百廢

具舉會城內外之頽壞荒殘者次第還其舊觀歲壬申
 乃有重修滕王閣之役越癸酉秋落成不費民財不勞
 民力規制仍舊而氣象聿新觀者徘徊而興起焉邦人
 咸謂釋曰子奉中丞命重修通志此盛舉烏可以不記
 夫是閣也創自滕王元嬰不過驛游觀供宴賞已爾非
 有流風善政足係謠思即後之閣公亦豈於滕王有景
 行之慕徒以嘉辰盛集得王子安詩序以紀一時勝會
 泊乎重修之年又有韓文公一記前後輝映而滕王遂
 以閣傳然則江山之好亦賴文章爲助古今不朽之業
 其必有藉以存乎嘗讀二公文流連俯仰感身世之不
 逢因寄所託有慨乎其言之自唐而後作者代興已不
 免碑殘而簡斷釋何人敢希嗣響顧念自弱冠選隊省
 闕卽嘗遊是閣其時在嘉慶癸酉以後重修未久棟宇
 猶煥王之詩序韓舟泊江干尙及一再遊已非昔日規
 模至咸豐初遭粵寇蹂躪釋適被督辦團練之非以緯
 命重過其地則數椽摧折而巳今得遇大中之映發
 武經交之才締造我鄉邦諸君然復見南浦西山之映
 不可謂非厚幸迴憶五十餘年前後廢興迭見吾身
 之驚喜憂樂若與是閣相循環往復以視王子安之旅
 遊韓文公願遊而不得果遊者其意境爲何如其感慨
 又何如邪亦惟與中則桑榆未晚尙得躋攀而蹈詠之
 唐李盛涉詩滕王閣上唱伊州二十年向前向北遊半是

半非君莫問好山長在水長流
造千年與客遊雲邊梅嶺出坐
煙深失釣舟蟬聲枯柳外天地
波瀾繞古城雨餘山更碧葉下
聲落晚晴故城王歌舞地帆急
獨展眺風葉亂鳴秋鸞舞自空
厯厯倚檻水勢悠月出江城暮
面臨殘雨下龍沙詞人樂重城
博兒長宵金鼓動關干牛斗偏
平昔好追遊高閣依然枕碧流
偏照古今愁西城中樹碧亂雲
煙波吟看新閣上重疊斷碑無
劫灰又看新閣上重疊斷碑無
淺苔江閣鳥疑飛不遇輕帆日
囊小收拾無多樓前來舞朱子
關銀臺夢想中樓前來舞朱子
息今人少古風潮應念我西江
萬斛愁試問海潮應念我西江
詩五雲總戶瞰浪猶帶人翰墨
闊江首一片畫圖長迴風何處
航回首十年此檻前泊柳新柳
外長江去不迴檻前泊柳新柳
見滕王歌舞來元劉詵詩來往
南州老一經登臨轉

覺鬢星星戊兵畫守滕王閣驛馬秋嘶孺子亭舸艦北
運章水白樓臺西映夢洲青鶴袍多士誰能賦設笑王
郎筆意輕明楊士奇詩草江西來幾繞洪州滕王高閣
臨江流滕王去後無封宗支時閣人開幾與廢昔問貞觀
全盛時大廷金而封南浦雕欄朱檻參差起玳瑁管
驕逸滋正對西山雨雲裏留連晚日下簾鉤別有漁歌
雜龍笙白晝歡管多雲裏留連晚日下簾鉤別有漁歌
聞未央城頭一夜飛洲際吉彩蘭嬌擁娥翠只言散樂
殊涉茫年深代易無此間好事何人爲重作絕世留傳
俱蝶圖東風粉色皆無落只今閣空臺亦平瀕江但有
滕王亭松門薄暮掩修竹數種葉蕭蕭寒雨青常時東德
耽遊宴身後荒涼竟誰嘆一覽應和孺子亭行人下馬
思東漢君行幾日過江津弔覽應和孺子亭行人下馬
三王盛還見今人繼昔人雨不收歌陽詩滕王高閣罷崔
嵬誰築西江第一臺彭蠡秋風送雁來幾欲乘槎問牛
才豐城夜氣聞龍起彭蠡秋風送雁來幾欲乘槎問牛
斗不知平地有三台彭蠡秋風送雁來幾欲乘槎問牛
風煙萬里秋帝子不來歌舞歇長江空縈古節愁帆開
遠浦鳬鷺亂客散東風煙霧收喜見中丞節鉞不因
登覽得咨諏南國樊良樞詩江上春歸思渺然危欄百尺
瞰寒煙美人南國樊良樞詩江上春歸思渺然危欄百尺
街落照一騷遠水淨浮芳草帝子東風怨杜鵑半夜吹蕭
到客船又詩江上煙波釣叟知閒中日月鑑湖私龍

飛眞主曾登閣虎拜文臣盡賦詩劍出石門蛟遁遠笙
吹嶺嶺鶴歸遲莫嗟今舊升沈事多少青雲負紫芝
層樓睥睨漢家壙百二關河帶礪封虎放西山回萬乘
劔留南斗避雙龍沈煙極浦通朝曙殘水空潭激夜春
最是秋江漁遂隱數聲遠和翠微鐘會榮詩畧堪賓
閣出洪州佩玉鳴鸞帝子遊散絃管聲隨逝水流莫向
客宴清秋綺羅香處逐浮雲散絃管聲隨逝水流莫向
國看秋蝶夢來何處問莊周韓雍詩山形西峙水東流
東高架危樓映碧空雙燕舞穿珠箔雨羣鷗飛散錦帆
風新題欲賽蛟龍字舊蹟疑翻蛟虵圖蘇圓只今煙蔓
草徐亭誰昔雨生芻由來名勝兼資福得似君王此閭
無邪夢俱零亂坐欠膝雲速茂苑垂鷗鷁鵠聲斷驛書
愁又幾經珠簾畫棟半凋零清月照雲鄉斷續煙星
移孺子亭掠水斜看孤鳥白落帆遙帶遠山青風流文
藻今誰是一片漁歌起暮汀陸萊詩昔年挂席未登
臺此日披襟萬象開歲月豈容人老去山川如待我重
來書生國畫銷丹粉刺史碑文臥綠苔勝地登臨非易
得坐看雲起更徘徊制龍沙曲抱壺嬰城戰勝鄱陽列
萬營一劔仁麾妖魅滅三江雖險權在藻樓臺思像氣
毫賦盡醉無人擊柱爭此際雍容權在藻樓臺思像氣
崢嶸春深芳草碧含煙無數滄桑在目前山若川沈

舊井塵文獻可徵遠澤在白頭父老尙淒然
 遊水岸低懸榻使君猶落落上書仙尉亦栖
 山夕照徑盡棟看姓題陸世皆詩聞道前朝
 國埋荒梁開宴集羣賢仙蹤尙憶匡廬月戰
 楚年柏樹無情銷畫翅荒臺有恨託鵲江頭
 蠡煙粉樹窮途亦愴然江上看山晚更宜秋
 心處不是窮途亦愴然江上看山晚更宜秋
 詠新詩偶乘此夕琴樽其因動當年簪笏思
 連榮鼓百吳花洲冷漾旌旗孤舟千里依荒
 似舊時來迷吳錦霧珠簾曉起又到江隈開
 青雀乍來照錦霧珠簾曉起又到江隈開
 色隱匡廬夕照堆爲信此邦絕俗美聲沈彭
 月明迴北斗會聞修竹掩空亭興廢千年亦
 詩篇寄性靈須羨子安樓臺莫認昔時看夜
 迪邦詩作賦何須羨子安樓臺莫認昔時看
 江天靜鴻雁一聲煙水寒樓臺莫認昔時看
 公本愛才豈無詞賦手憑眺大江來秋水如
 不復開年客登眺何但低徊姚椿詩西淨寶
 百餘里吸盡西江一水但低徊姚椿詩西淨寶
 始見此山靈蹟多神仙道書第後無奇觀直
 徑肥通王喬跨鶴何翻疑匡君許君相往還
 洪厓肩麻姑采鸞好眉嬋雲霧皆千年我來
 登高閣雲氣濛濛蔽巖壑空中搖蕩青芙蓉
 登閣雲氣濛濛蔽巖壑空中搖蕩青芙蓉

不肯落朝來爽氣撲我青畫手束縛窮精靈東行到此
亦奇絕天公使我飽未經不然匡廬看瀑布向江際
揚高舲廬山不忘眞面目得見西山意良足人生快意
貴日前何必熊魚兼隴蜀才子名高骨已寒東吳年少
一憑闌珠簾仍捲當時雨誰有空餘文章替子安王德宜
詩帝子今何在春風蝶夢闌空餘江上閣猶作畫圖看
歌舞催人易文章閱世難登臨思往昔落日半江寒
宋吳潛滿江紅詞萬里西風吹我上滕王閣正檻外
楚山雲漲楚江濤作何處征帆天末去有時野鳥沙
落近簾鉤暮雨捲空來今猶昨秋漸緊添離索天正
遠傷飄泊歎十年心事悠悠漠漠銷城頭角人易老乾
坤雖大愁難著向黃昏斷送客魂銷城頭角人易老乾
卿大江东去詞開登高閣送客魂銷城頭角人易老乾
珠簾當日事不見朝雲暮雨秋水長天落日當年如
名如故長空淡蕩去鴻嘹唳誰知幾度遺恨西山南浦
樣健筆坐上題佳句物換星移知幾度遺恨西山南浦
往事悠悠昔人安在何處尋歌舞長江東注爲誰流盡
今古龍紫蓮齊天樂詞兩簾雲橫重尋處青紅牛空
飛去檻影侵鷗簾光送雁搖蕩秋容新綠向人覩翠
禁得無情一江流水可西山半眉新綠向人覩翠
年留無賸賞儘登臨無限須付才思壞堞閒愁危橋往
恨欲拍闌干無路新碑舊記更今古勿勿一番興廢立
誰評半語

彭真君舊宅在府城西宗華觀有丹井

明一統志

簫峯亭在簫峯以祠簫史弄玉爲西山最高處此山雲則眾山雨矣里語曰簫仙戴笠鳳凰翅涇簫仙著衣烏

雀淋漓

榆墩集

洪厓舊宅在伏龍岡頂唐肅宗朝供奉山人申太芝奏

有異氣立宮鎮之

太平寰宇記

謝志舊案唐藝文志張說有洪厓先生傳乃晉州張猛天

寶時人非古之洪厓也

石亭唐元和初韋丹刺洪州始教民爲瓦屋以免火憂明年築隄扞江長十二里疏爲斗門以走潦水灌陂塘田二千頃至今賴之杜牧作遺愛碑云洪始有居水火是苦一日除去人知歌舞後其子丞相宙守豫章建石爲亭以覆之今城西石亭觀音院是其遺址

名勝志

施先生石室施肩吾舉元和十年及第雅慕十二真君

羽化靈迹俱存因高蹈不出賦閒居詩西山集行世石

室去西山天寶洞十里唐撫言名勝志南唐釋齊

起西峯臥翠堆牀前倒秋壑枕上過春雷鶴見丹成去僧聞栗熟來荒齋松竹老鸞鶴自徘徊

龍沙亭在龍岡上唐洪州熊秀才之清風亭也崔德與

清風亭詩序暮春三月時物具舉先師達賢或風於舞

雲或詠於蘭亭所以暢性靈滌勞苦使神王道勝冥夫

天倪吾徒束支體於府署以簿書為萃皓有日矣故因

休沐之暇考近郊之勝郭北五里有古龍沙龍沙北下

有州人秀才熊氏清風亭蓋故蓉州牧藏幼公前倉部

郎蕭元植賢熊氏之業之文尚茲境之幽曠合資以構

之創名以識之五年矣初入環堵中有琴書披篋躋石

忽至茲地郁章二江分派於趾下匡廬羣峯極目於枕

上或澄波淨綠相與無際或孤煙歸雲明滅變化且

所及異乎人寰志士得之為道機詩人得之為佳句而

主人生於是習於是其修身學文固加於人一等矣況

其志勵於螢雪之下業成於薪水之餘則甲科台名如

在指顧是會也有御史府楊君薛君環列室君長理

君皆以文發身或再戰再克予與皇甫君不辭是進亦

陪其歡虛中曠然取樂名教而主人趨隅拜下敬恭得
禮請酌古道徧徵歌詩因曰自十數年閒佐是府者騰
陵杳冥離會靡常眾君子用牽乎時未始有恆然異日
之適非今日之適也至若心同於內迹膺於外交臂燈
視吾喪我於此亭者一生幾何是不可以不記乃次詩
於屋壁各疏爵里以爲清風亭故事云又臘日龍沙
宴集序清祀嘉平著於三代蓋祭百種以報齒表一歲
之順成故吾徒亦休潛考勝用文會友龍沙古地大江
在下可以縱遠目可以滌煩襟況晉祓成列觴豆備薦
酒酣神王舉手拊節盡一日之澤遣百慮如遺二三子
唯今日可以無勇也明萬厯中布政使吳獻台陸長庚復
而不書是無勇也

移建於龍光寺之南其前爲聽松亭

名勝志江城名蹟記謹案龍沙

清風一亭二名謝志分見今改

萬山亭孟浩然有和張判官登萬山亭贈洪府都督韓

公詩

文苑英華

路嗣恭宅在府城德勝門外唐觀察路公故居今爲王

虛觀

江城名蹟記

會仙亭在府城西七十里翔鸞岡傳是唐文簫遇綵鸞

處府志

歐陽拾遺書堂在郡西山翔鸞洞側唐歐陽持棄官隱

此江城名蹟記

相公堂宋齊邱出鎮南昌嘗訪陳陶於石堂堂在香城

寺巖腹嵌空可容數人因名為相公堂周益公集

逍遙閣在逍遙山去南昌城西南八十里府志宋洪炎詩傑閣龍

樓倚翠微中秋午夜望清輝桂枝委地三千尺柏影垂

壇四十圍籥鼓或疑風雨下雲霞猶想錦帆飛只今井

白依然在不見歸來丁令威湖山千里亭在府城故望雲門外俗呼為湖山亭宋建

林志

雙泉堂在府城北舊薦福院內其地有淺沙泉馬跑泉

水品爲會城第一宋知洪州程師孟於二泉間作雙泉

堂

江城名蹟記

挂頗亭在豫章登之可望西山

周益公集謝志舊案周記去列頗亭不遠當

在龍沙側近今莫考其處

半月軒在香城寺方丈右

周益公集

逾好亭在香城寺後取寒山頌中微風吹幽松靜聽聲

逾好之句也

周益公集

壓江亭挹翠亭大觀戊子侍郎范坦帥江西新滕王閣

南北因城以爲廡夾以二亭南遡大江之雄曰壓江北

擅西山之秀曰挹翠

范致虛記

秋屏閣在府城北大梵寺內曾鞏云見西山正且盡者

惟此閣耳

國朝康熙開巡撫宋犖重建於北蘭寺內東偏

集縣志國朝余正垣詩遠樹浮青鸞樓高入紫霞

山光生萬壑月色到千家獨鳥橫江渡孤舟隔岸斜忽

開吹玉笛殘夜落梅花

列岫亭在府城北龍沙前對西山取謝朓窗開列遠岫

之意以名朱子謂列岫望西山最正滕王秋屏皆不及

也

國朝康熙開巡撫宋犖重建於北蘭寺內西偏

宋朱子詩城中望西山挂頰空朝暮不到列岫亭詎

知親切處又晚飲列岫亭詩危亭披豁對蒼霞開商

略無遺算又晚飲列岫亭詩危亭披豁對蒼霞開商

杖重來日未斜滿目江山一樽酒哦詩莫遣人雄誇

望湖亭在新建縣北吳城山龍王廟背

蕭條萬象疏秋風片帆急暮靄一山孤許國心猶在康

時翁已虛岷峩家萬里投老得歸無明胡大威詩地

盡三江外亭霞九派中水光深浴日山色遠依空極浦

浮征櫂長天度朔鴻劍如衝斗近星可泛槎通廣髮隨

年換登臨自古同
明吟湖上作漂泊憶蘇公胡全詩
鷗外清波雁外山望湖亭下繫歸船夜深起坐占風信
人在珠宮月在天國朝朱國漢詩金鏡回首夕陽邊
客裏年光感逝川千里書來湖口縣片帆人上林陵船
長風捲浪花如雪極浦連天草似煙何處笙歌江水流
合公祠下警神絃望湖亭案蘇軾望湖樓詩五首載於西
湖志纂似不得為望湖亭作也明一統志於江西占蹟
望湖亭下載其弟一首而於浙之望湖樓下復云蘇軾
有詩誤不待辨舊志相仍錄入故易數
字若以為別本者此志家陋昌今刪

李君子巷在蓼洲宋有李生者逸其名南昌人好義樂

施每歲稔積穀社困歉則和糴平準里人賴之世亂集

義勇以衛一方紹興閒李成寇饒生迎岳飛兵討成大

破之飛表生行軍長史不就人名其居為李君子巷

江城名蹟

春暉堂龍沙之會仙宮有別室甚幽邃道士吳明德喪

父雲卿奉其母居之謂之春暉堂蓋與秋屏閣為鄰焉

道園學
古錄

皆山堂進士李時佐家豫章之洪崖其地皆山故以名

堂
頤庵集

水操臺在龍沙北明崇禎閒巡撫解學龍建每歲秋月

練兵於此臺後有止戈泉

江城名蹟記

香蕉館新建陳宏緒之所居張魯叟嘗過其館索絹素

大書曰垂老生涯也大奇檐頭詩筆與花枝販來春色

憑君買一半梅花一半詩書訖擲筆扶杖而去

江城名蹟記

江天閣在城西楊子洲明萬厯中太學士張位建崇禎

中都御史解學龍建塔於此熊明遇署曰龍華寶塔

明張位詩片帆煙水暮湖閒山在江心樓在山波影
垂寒新石埭鐘聲破寂舊松關好風當面雲明滅流水

何情客往還樹外夕陽城市近
喧闐車馬抗塵顏以上新建

朝斗壇在豐城西北岸十里縣志在其壇縱橫各十尺

有古松列植下有丹井相傳漢梅福築以朝斗明一統志

劍函晉豐城令雷煥剖石函得雙劍按石函所在即古

劍池之前二十四步四脣廣五六尺塗沒其半土人訛

為石門云

國朝嘉慶十三年移置學宮內尊經閣東首覆之以亭能改

齋漫錄
縣志

讓栗堂在豐城縣西二十里舊傳浮邱翁與其徒王郭

二仙昏夜食栗相讓因名明一統志讓因以名堂其事甚怪疑此為沈氏故居取沈約與梁武帝說栗相讓事耳

然明一統志紀載多異漢之梅福築壇朝斗則昏夜讓

栗之仙人亦宜有矣府縣志皆作讓栗而仍引明一統志當是字誤

寶氣亭在縣西北瞰大江舊有二碑刻唐李德裕劍池

賦宋黃長善石隄記元時改建劔池驛樓

林志宋黃庭堅

詩豐城邑巖巖水種六萬戶石隄眠長虹輟權日沈霖

令君政有聲新亭延客步淚落世父碑心傾文饒賦憶

昔兩神兵埋獄思武庫寒光射漢津兩賢紆一顧張公

坼中台木拱孔章墓不能從兒嬉歲晚龍蛇去空餘寒

泉滋陰雨長蛙鮒鉛刀藏寶室萬世同此度胡銓詩

塵容不逐江流淨酒力都從雪壓消斗下只今無劍氣

年來牛犢在人腰元吳澄詩雙龍飛去已千年平問

紫氣夜黯然卻令往來客坐閱朝暮新樓天地

與亭俱傳舍舊毀新成更代謝舊亭不見新威政成

誰作今賓族又與江山發新趣昔舊今新政民不威劉成

遺惠及賓族又與江山發新趣昔舊今新政民不威劉成

之義居光堯書萬里之齋額然名德乃膺是眷豈么微
可擬其倫伏念臣少也多奇長而無述短繁二尺妄窺
以往聖之微言破屋數間近守先臣之田何有謂址苟焉
以藏修讀書之暇已昏負郭一善則服膺食其味恐
而己而貧賤庸王友於成得一臣則窮年夢寐不忘於
多財而益疾獨樂以忘憂此微臣自坦於窮年夢寐不忘於
清夜淡而不厭樂以忘憂此微臣自坦於窮年夢寐不忘於
家之意輒因閑燕乞假寵光芒勢奮龍之誅忽委珠卿
彩增盤谷山泉之重買豐城干莫之精陽和不擇地而
施海宇舉聞風而起茲蓋伏遇皇帝陛下道包萬象天
縱多能心土經綸本廣夏細旃之論毫端造化回冰崖
雪屋之春凡陪旒冕躬耕隴之勞爰頒珠而必獲察臣
精磨鏡之陋臣敢不誠承帝賜即對天章六字寶傳與
窮山之壽百金不承帝賜即對天章六字寶傳與
經而俱壽百金不承帝賜即對天章六字寶傳與
酬恩於君父劉克莊自記問在豐城山間名子賤潘公
也筆廣微哀公也徐石可德夫讀其忠憤激發幾寤上而
仕於朝因其所以其所讀者為天子言之忠憤激發幾寤上而
意竟坐是由省闕放還故由或竊笑曰世蓋有剽竊涉
獵書之毫芒而光顯遇合者德夫竊笑曰世蓋有剽竊涉
落如此意者書誤德夫邪德夫甯能常味此無味之味
邪德夫亦笑曰有是哉夫書無窮盡味有淺深嘗試以
古今人觀之行之為守之固味之深者也先信而後畔

始合而卒離味之淺者也叔孫通魯兩生皆學禮一以
取封一沒世無聞舒宏皆學春秋一起徒步拜相一老
擯郡國豈非深者守道而難合淺者諧世而易售與使
其果深於書粹茹山雌也脫粟太牢也苟為不然如啗
土炭如嚼蠟久將唾棄之矣然則德夫之所味固世之
所不能味世之所味固德夫之所不辱味與或又笑曰
閤僅三開奚其記余曰不然石渠天祿高則高矣而不
能逃莽大夫之譏臨春結綺美則美矣而不能淪押客
之謗德夫閤雖小然聖人之事具焉古今之變合焉天
下後世之貴在焉德夫味之不已出則為遺直為名臣
處則為高士為全人是閤
與天壤俱敝矣弗記可乎

雪坡書屋在縣北十里感山宋狀元姚勉流寓居此志府

補史玉隱堂宋參漴州軍事熊方字廣居雅善書高宗

內禪大書堯舜二字表進有旨付祕閣除本路帥幕注

道德經象山集豫章錄臨汝編又補東漢年表因名其

堂曰補史玉隱

縣志

甘露臺興城海慧院去磯頭山半里宋清熙中於院中

作經藏落成之日甘露忽降因作臺表之

名勝志

江山秀傑樓宋劉充字實之曾任淮東提刑與于竹園

盛溫如齊名時號三傑元州尹陳元凱用朱子詩荆江

山秀傑樓於明倫堂後立三傑祠於下祀之

縣志

棲碧軒在豐城東之泉嶺羅君自強舍其下以棲碧扁

其軒朱善作記

一齋集

劍池在滎塘距今治二十五里塘卽獄基獲寶劍之所

秦始皇見東南有王氣埋雙劍鎮壓之晉縣令雷煥掘

得石函發之得雙劍後落爲池每春三月三日池上風

雨迷離相傳劍歸朝故穴

能改齋漫錄

唐李德裕賦

豐城弭楫江清問埋劍之地則有池存焉感其至靈之

物亦有淪棄非遇識者無由振發雖人亡劍去而故事

可悲因維舟俄頃以爲此賦云天地神物龍泉太阿光

耀時促沈埋日多往者紫氣衝星時人莫識吳已亡而

氣存寶乃隆於敵國既精感而上達當龍變而不息未
 遭風雨之會尚假雷生之力豈通塞之中何顯晦之
 難測我不自振掘之而得雖潛朽壤之中每受荀苔之
 蝕誠宜英主用之提攜指揮內以靖諸侯外以服四夷
 為東序之祕寶備有國之光儀一見留於邑長一獲佩
 於台司始謂仲於知已終乃屈於不知既而長鳴玉匣
 躍人鏈漪化鋒鐔兮奮迅煥晶光兮陸離垂尾滄波斷
 鯨鯢之族矯首清漢驚江海之祇昔時在獄今成廢池
 寶嘗棄於茲土人感懷而孔悲況乎耶溪水湫赤堇山
 閉巧治既歿作者瞻世風胡已遠壯武復逝斯物倘存
 知者誰氏惟人代兮去不留嗟雙劍兮焉可求梁陰
 鏗劍池詩清池自湛淡神劍久遷移無復連星氣空餘
 似月池夾篠澄深綠含香結細漪惟
 有蓮花鏐猶思匣中雌以上豐城

寓閣唐戴叔倫所作在棲賢山上學堂峯後有閣高三

丈許名曰寓閣蓋取寓公之意亦用以自況云

府志黃汝

魏徵士亭唐有魏徵士者逸其名棄官隱長定鄉三徵

不起故稱徵士有亭在進賢縣碑亦無名

園趣亭豫章胡叔俊隱居官溪之上治乃祖西園築亭

其閒命曰園趣

揭安集文

伯顏

當作巴延

故宅在北山

名勝志詩白頭歸故里

元伯顏子中過故居荒草沒柴門鄉

舊仍相見兒輩且有不忠清千古事骨月一家魂痛哭松楸下雲愁白日昏

嘯臺在北山上元判官辛好禮築

縣志

師古齋元鄉貢進士胡雲升齋居胡名一龍子胡應字

以中鍾陵人

石門集以上進賢

浮雲宮在奉新縣西華林山有浮邱石室及李八百洞

又有劔池丹井

明一統志謂八百歲愛此華林

唐宣宗詩道人西蜀來自幽穴居聊避世

柳公權法正禪師碑在百丈山大智院內師以元和十

四年示寂歲久碑多殘缺今猶有二三十字可讀

縣志與

地碑目謝志舊案廣輿記謂刻於崖際

流觴曲水在百丈山西北唐宣宗避暑時尋山窮源鑿石引泉疏爲九曲每曲置石墩以坐又爲石梁跨水以通往來元趙孟頫大書流觴曲水四字鐫於石壁

名勝志

靈境亭在百丈山唐宣宗嘗遊此有日月每從肩上過

山河長在掌中看之句

林志

柳公權石刻唐懷海禪師闍法山中稱百丈祖師柳公

權爲書百丈清規四大字

名勝志

謝志舊案名山勝

石壁上有漢篆大二尺許剝蝕過半下刻天下清規

字大近二尺眞柳公書也百丈又作天下未知孰是三賢堂在縣東南宋周敦頤爲分甯簿蘇軾省其弟於

瑞州黃庭堅又分甯人故奉新之地三賢所經遊後人

慕而築堂且祠焉

明一統志

此君亭在寶雲寺宋縣令李平愛竹作此君亭爲之記

蘇軾嘗登此亭觀李君文求其本而去縣志

華豐樓在縣南百步宋嘉定五年縣令張均建燬於元

林志

帶經堂新吳吳志遠家足而好學諸子百家無不業而

所佩者經汗簡章編可以坐閱精舍之堂扁以帶經垣

集謹案府縣志帶經堂在縣郭外宋直學士余曠建與舊志互異

胡仲堯學舍胡仲堯構學舍於華林山別墅聚書萬卷

大設廚廩以延四方游學之士宋史宋陳堯叟詩旌

景似冷浪玉漿寒色連沙砌金障秋陰覆草堂田里從來應遜時兒孫遊戲亦成行吾君孝理風天下誰識謳歌綴樂章張齊賢詩一百年來燈爨同衣冠江左慕家風兒孫歌舞詩書內鄉黨優游禮讓中孝弟筠編爭紀錄門閭天語賜袞崇莫將六闕方朱氏葉葉蒸嘗奉始終門魏野詩江僧昨日到茅齋曾向華林駐錫來因說故家宗族盛御書樓對義門臺以上奉新

水木清華亭宋楊文公億知靖安縣治尉圃得舊詩碑

於榛莽開皆前代名士所作乃用曾南豐詩正在清華

閒語作水木清華亭於縣治中名勝志謝志舊案謝

名亭疑取是詩名勝志乃云用南豐詩混詩水木湛清華文公

年億何由用其語邪其謬殆不足辨始存之備是亭古

蹟謹案縣志名勝志誤以楊億為楊文公考舊志職

官表靖安令有楊億在宋紹興二十五年蓋別一人

雙溪亭雙溪發源毛竹山一支逕追里一支逕洞城合

流繞縣前古毬場東有雙溪亭名勝志

雙峯堂在縣治後宋舒邦佐鑿天澤池築臺建堂扁曰

雙峯府志

釣亭在縣東五里宋邑人呂延平歸田所築名勝志

詩像章富人物歷數煩僕指先生釣璜孫盛德邈相似

邵顧徐洪輩項詎足紀修竹照清漪邈近聊復爾吾

君邁周文未省獵渭水矧此江之湄相距數千里會遇

倘有時必為蒼生起謹案縣志釣亭邑進士呂延年

令靳春後歸築名勝志誤作呂延平又張叔夜詩其
辭旨呂尚未遇已築此亭否則張殉節在靖康其時
呂歸田在紹興後張
何由題詠其亭邪

百花亭宋紹興中縣令黃宗諤建在廳事後名勝志

幽谷亭黃宗諤建與縣北幽谷山相對名勝志宋曾

塵謫見水石環誰料千古縣正在清華間釋權輿詩

嵯我幽谷亭寂寞彭澤令絕景空自奇高標及相映
靖安以上

丁令威故居在武甯縣東三十里遼山之東是丁仙沖

舉處南有觀鶴橋北有禮星壇後人於壇址又創丁仙

觀近有青牛洞洞口有巾石相傳令威飛騰時遺巾於

此明一統志林
志與地紀勝

柳渾讀書臺柳山在縣西唐書柳渾棄官隱居武甯山

卽此有讀書臺遺址尙存輿地紀勝

湧翠亭在柳山上

縣志

鄭氏草堂宋處士鄭郊別業在縣治東觀鶴橋側黃庭堅與僧靈源過此題詩有高居大士是龍象草堂丈人

非熊罷之句

縣志

詩

東軒在內署之東宋濂熙開縣令洪樞重修更名絃歌

堂

縣志

宋黃庭堅

銘

溫陵

呂晉

夫為

武甯

縣

其

勸

紀其有御吏其進豆足以和民以其身為綱以仁於其

歲豐民閒新作東軒以為義其有所漏也民以此聽民非

以勤民也余觀今之為吏訖三年則解體不治民亦厭

之今呂侯不得代踰四歲矣而勤民如始至之民亦

安樂之惟恐其去也故銘以勸來者呂侯為邦如近規

矩除治燕處不即歌舞於以近之問民疾苦里無追胥

抱孫員知吏無重繻其虎為鼠我班王春民在東皋于

邦于餉勸其作勞亟共耘耔無慢於放役乃暇日于芳

索

絢

桃

李

覓

矣

松

竹

苞

矣

知

我

民

稼

雨

澤

時

矣

萬

物

共

遂

呂

侯

不

特

其

欲

東

軒

高

明

有

突

有

侯

酒

食

咨

爾

後生式鑒斯今無
以豆薦費民寸陰

廣心軒在古龍潭寺內山谷紀遊云元祐元年正月初

三日雪後黃魯直來訪譚上人明心靖公在焉經行此

軒見巖陽積雪羣木參天心意豁然因名廣心軒

縣志

四望亭在縣西里許宋韓琦有詩李綱常經此喜其溪
山之勝命復建亭紹興閒知縣王甯感二公之賢更名

曰勿剪

縣志

極高亭在縣西九十里太平山

縣志

元揭傒斯詩太

但自日與月晝夜繞

簷下以上武甯

吳猛故宅甯州南有東津其側丹霞觀是吳猛故宅亦

名吳仙里

名勝志

唐施肩吾詩古仙煉丹處不

銅鼓石在州西南大瀉山石屹立數丈形類銅鼓世傳

許遜逐蛟過此石中有聲揮劒劈之一石中分如劒劈

狀今銅鼓營是此地

名勝志

黃山谷故宅庭堅先居修水後乃遷於雙井在州西三十里其南溪心有二井土人汲以造茶爲草茶第一旁有釣亭庭堅從父襄所築有手書釣臺二字鐫石下有

水一泓鐫曰明月灣

名勝志

涪翁亭宋黃庭堅建在旌陽山麓濂溪書院側

謝志

桂香亭在州西黃龍院側宋黃庭堅嘗遊此與靈源師

論禪有時聞一陣桂花香之句後人因以名亭

明一統志

雲巢在雙井宋黃公準字稚川魯直弟也志趣高明嘗

於櫻桃洞結茅木杪號爲雲巢居士

州志

秀江亭俯瞰修水宋分甯隱士吳叔元建黃庭堅嘗訪

叔元登亭題壁

名勝志

一翠亭宋分甯宰趙崇和

與地紀勝

州判署在州署求癘堂西

謝志以義甯州

江西通志卷一百十四